



安徽通志

ル 5  
1575  
19



5  
1675  
20



重修安徽通志卷六十一

河渠志

水有四瀆道安徽者三其他巨浸難以枚舉然則皖固澤國地也澤國之所聚實為利藪而害亦因之故當夏秋汎漲之時江溢則安池太廬和之府州縣災河淮溢則鳳潁泗之府州縣災往往此息彼興若迭為勝負者諸載籍自昔然矣

聖朝軫念民生凡所以興利而除害者靡不因時度地或導之以順其性或分之以弱其勢或棄地瀦蓄之以定其歸至不得已而隄之防之嘗歲費

帑金不遑愛惜則以通漕運之輓輸資農田之保衛欲與天下民均其利永賴不特於皖省然而即皖省可觀天下焉爰次江淮黃河及水利以著於編述河渠志

江

自心山導江盤互六千里囊括眾流而下勢如建瓴至於漢自  
 北入彭蠡自南入合岷江為三江竝持東下經今江南之地以  
 入於海正禹貢中江入海之故道江南通志  
 江水東北逕江西湖口縣北其北岸則宿松縣入安徽境去縣治百二十里  
 又東北逕江西彭澤縣北其北岸則望江縣去縣治三十里又東北逕  
 東流縣西去縣治一里其北岸則懷甯縣在門外又東北逕貴池縣北  
 去縣治五里其北岸則桐城縣去縣治四十里又東北逕銅陵縣西去縣治五里  
 又東北逕繁昌縣北去縣治十五里其西北岸則無為州去州治百一十里  
 又東北逕蕪湖縣西去縣治七里又北逕當塗縣西去縣治十里其對岸  
 則和州去州治六十里又東北逕江蘇江甯縣西出安徽境至通海門入海此東  
 為中江入於海之所經也禹貢錐指

大江北經馬當山北東流縣之西南境也西岸即望江縣東南  
 之雷口有水西北合太湖宿松二縣水東流注之又北至望江  
 東境近西岸有洲東岸依山麓又東北為香口河口又北經縣  
 城西北又北西岸有漳湖溝口又北六十餘里折東北流經安  
 慶府懷甯縣西南境數十里至縣南有長河西合潛山諸水來  
 注之即古皖水曰皖口東經府城東南又東北南岸池州府治  
 貴池縣西境有張溪自南來注之又東北至樅陽鎮南有樅陽  
 水西北自桐城縣合諸水來注之又東北數十里南岸有池河  
 自南來注之即貴池水也又東北至府城西北境有通濟河南  
 自城東北來西北流注之又東北北岸有羅昌河自西北來注  
 之又東南岸有梅根港口又東北經銅陵縣西南境有大通河  
 南自青陽縣合數水來注之又東北經南岸山麓又東北經縣

城口有小水口中有洲又東經城北北岸有二小水口無為州  
再城也又東北南岸有小水口又東北北岸有泥汊鎮水口江  
心有洲南岸有荻港口又東北經繁昌縣西北境北岸有柵港  
汛口中有數洲又東北經北岸奧龍鎮南南岸三山鎮北又東  
北為南岸蕪湖縣西南境之石碓河口北岸為和州南境之裕  
溪口又東北為蕪湖縣西北之魯港口魯明江南匯旌德太平  
石埭涇縣諸水東北流經宣城西北境曰清弋江折西北流經  
蕪湖城南而西北注之又東北六十里至太平府治當塗縣西  
南境之水陽江口水陽江即姑孰溪南自甯國府北流至當塗  
會廣德建平高淳諸水西北流注之南岸博望山與北岸和州  
南之西梁山隔江相對亦曰天門山又東北北岸為橫江口牛  
沌河西北自巢湖來注之又東北經太平府城北之采石磯即

古牛渚又東北經江甯驛西又北流經烏江鎮東板橋鎮西東  
岸有秦淮支津口齊召南水道提綱

附載南江故道

江水自石城池今貴東出逕吳國南為南江江水自石城東入為  
貴口東逕石城縣北東大谿谿水首受江北逕其縣故城東又  
北入南江南江又東與貴長池水合水出縣南即山北流為貴  
長池池又北注於南江南江又東逕宣城之臨城縣南今青又  
東合注涇水南江又東與桐水合又東逕安吳縣今涇號曰安  
吳溪又東旋谿水注之水出陵陽山下逕陵陽縣今石西為旋  
谿水谿水又北合東谿水水出南里山北逕其縣東桑欽曰淮  
水出縣之東南北入大江其水又北歷蜀由山又北左合旋谿  
北逕安吳縣東晉太康元年分宛陵立縣南有落星山山有懸

水五十餘丈下為深潭潭水東北流左入旋谿而右注南江江之北即宛陵縣界也今宣南江又東逕甯國縣南又東逕故鄣

南今廣德安吉縣北在浙江湖州府出安

按隋唐後諸志無載及南江者近人因此詆孟堅道元之妄然北江漸感南江日微物莫能兩大自然之理也故道雖湮言非無據

大清一統志於池州府下載之今備引入以存故蹟

宋仁宗時江淮制置發運使周湛以大江歷舒州長風沙其地最險謂之石牌灣湛役三十萬工鑿河十里以避之人以為利

宋史周湛傳

慶曆中以采石磯立江流之衝水勢湍激大為舟楫之害乃開河於磯後以達大江謂之采石新河江南通志

宣和六年前太平判官盧宗原言池州大江乃上流綱運所經其東岸有暗石多至二十餘處其西岸則沙洲廣二百餘里諺云折船灣言舟至此必毀折也今東岸有車軸河口沙地四百餘里若開通入杜鵑舟經平水徑池口可避二百里風濤折船之險請措置開修從之宋史河渠志

乾道二年以和州守臣言開鑿姥下河東接大江防捍敵人檢制盜賊宋史河渠志

舊志引宋史開寶間鑿橫江渠於歷陽按此為漕運而設已詳運河此刪

明永樂二年五月工部言太平府當塗縣慈湖等處上通宣歙東抵丹陽湖西接蕪湖地多瀕江比雨水浸淫海潮漲溢決隄傷稼宜遣人相度修築上從之諭曰緣江低窪之處非止當塗

一 賑霖潦傷稼必多宜遣官乘傳往視凡浙江江西湖廣安慶

蘇松等府遇湖泊窪下圩岸頽圯亟督有司修築明太宗實錄

十一月直隸和州民言州銅城牆上抵巢湖下接揚子江圩岸

七十餘處為江潮衝決壞禾稼乞修築從之明太宗實錄

三年十月修無為州周興等鄉及鷹揚鄉烏江屯緣江圩岸明宗實錄

正統六年六月直隸當塗縣大信巡檢司前漕河南通大江舟

行避險者胥由此行後以江水泛漲沙土壅積不通有司請疏

濬從之明英宗實錄

崇禎十三年兵科給事中宣國柱疏言安慶四五月間霪霖不

止江水暴漲濱江田禾俱成巨浸上命該撫按察奏崇禎長編

國朝康熙八年無為州知州顏堯揆築新壩舊時江流東注至鮑

魚口地勢最下自明以來州守築隄曰一壩二壩三壩四壩屢

築屢圯州境民田漸次陸沈於江者四十餘里至是築新壩八

百八十丈後大水破諸壩而境內圩田得完人名為顏公壩廬州志

康熙五十年安徽巡撫梁世勳因安慶知府張楷詳請捐銀五

千兩為倡自懷甯之秧草溝起至齋墩橋止濬河六百餘丈先

是江濤洶激舟艤危岸至是大利停泊商民德之名梁公河安慶志

五十五年巡撫李成龍因皖口東下七十里危磯十三潛伏波

底舟觸輒覆捐金二千兩米七千石委知府張楷督募挑濬由

懷甯之齋墩至桐城三墩出江開支河四十餘里盡避諸磯之

險春夏水溢艘往來無阻安慶府志

乾隆五年奏准上江地方和州大洋河姥下河牛屯河含山縣銅城牯河來安縣龍尾壩河均令開堰疏濬會典

乾隆十六年江南總督尹繼善請於王家渡一帶另開新河一道起劉家渡止張家灣袤四千一百九十四丈寬三十丈深一丈四尺三寸上游襄安迤西之水匯馬家渡入此河至姚家溝分二派一出泥汊一出飛雁投湖北繞州城出裕溪廬州府志附知

州范從徹開河築壩議略無為素稱澤國南臨大江惟賴一線喉也從前江水順流隄外沙灘擁護所以志稱為和舍廬巢之咽

新州橫互江心致江水折而北趨江北沙灘日積月累前時開自

夾河梢至劉公廟計五十餘里當衝被鬪嘉靖時州守鄭惇典

應龍築首壩孫慈築二壩陳明熙築三壩前後盡圯於江守國

撥糧夫增添月隄壩日遷地日促康熙六年州守韓繼先集

合州紳士議詳各憲按糧派夫自鮑家橋至文思菴修築壩隄

一千二百餘丈抵禦江水奈江南之洲灘日長江水北掃日甚

於前歲泄任親履江干目觀一線長隄橫抵江流其最險者為

鮑魚口鮑家橋兩壩根勢成壁立隨集合紳耆酌議久長之

計屏棄一切沈船種洲上游支水之說蓋以江流衝激其勢甚

猛又俱沙土勢必隨支隨刷甚無益也今惟棄地讓水遷河是

也西南眾流及廬邑黃白二湖之水經由無地必先遷河是

查王家渡大河內原有古河一道西起馬家橋東至灣河計

矣

既禦鮑家橋之危急且包鮑魚口之險隄重圍壘可保無虞

但開濬古河不無少損田廬墳墓之處附近居民狂處堂之智

諒多曉曉願成大利者不惜小害當俟臨期酌議周恤惟是築

壩開河工難並興應分爲二年一年開濬一年建築庶幾次第

得宜河流通暢壩亦鞏固豈爲一州奠安五邑俱沐無疆之福

乾隆五十二年巡撫書麟因無爲新河逼近大江築壩無地疏請開濬沈家塘至方家橋月河袤五百九十四丈底寬十五丈面寬三十丈中深一丈五尺導黃白二湖之水使荻港圩潤出餘地爲立壩之基廬州府志附疏略安省沿江各屬圩田居多全賴隄壩捍衛據署無爲知州陳聖

修稟稱該州沿江大壩荻港圩一帶近年江漲北趨偏近壩根壩內即係大河道無餘地築壩應於大河之北起沈家塘止方家橋開挖月河一道以通大河計長五百九十餘丈挖廢田一十餘頃將舊河身築斷岸乾填實壩基得八十餘丈庶可幫培經久但民力拮据請援成案借項開挑等情當批飭藩司陳步瀛親勘確估需土方工料銀三萬六千五百餘兩撥照二十九及三十五等年無為借項築壩之案借給挑築分年徵還等情詳請前來查無為州江壩為廬江巢縣和州含山等邑之保障既因江流刷進內偏大河單隄一線應行開河讓地以培壩基但該州連被災歉民力不支司庫現在社倉息穀變價銀兩原係奏明留為水利圩隄等項工程之用合無仰懇准為州借銀三萬六千五百兩分作四年照糧攤徵還款則民力得以舒徐壩基資以鞏固至該州舊壩仍令歲修保護其挖廢田畝額糧查明照例詳請題豁合併陳明

乾隆五十八年三月十二日奉

上諭書麟奏查驗無為州江壩情形酌籌辦理一摺並繪圖樣呈覽詳閱圖內永成圩外即係大河據書麟奏稱該壩兜灣處所尙露壩基應行幫築寬厚等語該處河形兜灣永成圩壩工即使加築寬厚亦屬頂衝著重易至塌卸何不將河形開挖取直俾溜勢離壩稍遠不

至偏近壩根用資保護已於圖內用硃筆畫誌著書麟等察看情形將是否可行之處酌量辦理又馬頭埠地方現據書麟擬於該處開挖河口寬三十丈深一丈五尺會家壩至東圩插所有舊河止寬六七丈及十三四丈不等今擬一律挑寬三十丈較舊展至一倍河流更為暢順自應如此辦理至此項挑工係該州紳士為保護田廬自行出資捐辦但向來地方官遇有挑河築壩工程動用官項尙不免任意浮冒從中侵蝕今此項工程係紳士捐辦不肖官吏更難保無藉端侵肥勒索等事若因有地方公事而官吏等轉得藉以飽其私橐是非以便民適以病民現雖據書麟奏稱俟工竣時親往查驗不知隄工河工一經放水即難於勘實惟應於放水之前據實查勘尺寸不致作弊更當飭該府州於興工時往來稽察但該督駐劄江甯既不能常往查勘而僅委之府州稽察亦未必能認真辦理此事著



專交朱珪就近隨時親赴工所督率稽察毋任地方官吏胥役等藉端滋擾書麟仍於工竣時親往查驗以期一律穩固儻稽查不力官吏等稍有侵肥擾累等事一經查出惟朱珪是問必將該官吏等及該撫一併從重治罪將此各諭令知之將原圖發交閱看欽此附朱

珪覆奏疏略

臣於四月初四日抵工所履勘查無為州南四線單隄幾有五分至永成流內河之患張謝現幫築修補工亦及牛惟是內河工程近壩根外勢頂衝內無餘地最為險要仰蒙我皇鏡照如神殊筆畫誌將內河開挖取直俾勢離壩稍遠可以化險為易真切要之工不可緩者也臣遵卽面諭董事等尺即日起開引河一道長二百四十丈面寬三十丈深一丈五暢流而永成圩內河可以開竣然後築閘河壩使河水由北東可免沖潰之虞矣再書麟所請由二沈家壩起至東湖止開挖上河一道計長十六里六分此河開成則黃白二湖之水依王姥山麓而東約距江已遠數里輿情踴躍萬口皆符但工程較大山麓而東約距江已遠數里輿情踴躍萬口皆符但工程官吏藉端侵肥無籍匪徒包攬勒索尤不可不嚴加防杜臣確

詢輿論引河工竣已屆盛夏水漲農忙難以興工須俟秋收後水勢既定即行開挖趕於立春前竣事則專責成其餘各糧戶隨公選殷實董事盧大鵬等分段承挑以專責成其餘各糧戶通力出夫集董滋擾民力民據實嚴參毋稍假借查無為州知府蘇椿現任丁憂臣遵卽派員分赴各段督率開挖務期速竣毋得延誤騰額及府州丞樹椿等分番查辦務期速竣毋得延誤驗收其上游屆開工之期仍隨時往來督查俟工竣後會臣書麟親往查驗其開河挑廢田畝督額飭潘司周增查辦外所有現在開挖引河及繪圖貼說恭呈睿鑒又奏據廬州知府和騰額署無為州知府趙霖稟報上河工程於三月二十六日全河一律完竣請驗前來又准督臣書麟飭加探量與先行驗收放屬水以符人夫歸農初四日抵工查驗逐加探量與原奏丈尺俱屬相符隨飭將畧驗初四日抵工查驗逐加探量與臣親行該處距江較遠日北倚王姥山麓開實可保護圩田一勞永逸臣仍飭於舊河上下各築攔河壩一道使全河皆歸新濬事原任華州知州盧大鵬及蕭萬潮謝保之芸謝裔公龍孫純徐必恒戴時敘凌鐸錢鼈蕭恆王自鍾十一人俱屬急公嚴事當即酌給扁額以示獎勵該府和騰額該州趙霖與各委員等實力催查併額無侵擾情弊與論帖然除挑廢田畝糧額飭潘司周尊查核題豁外所有驗收上河工竣情形據實奏聞

乾隆五十九年總督書麟疏請無為州民力民辦開浚上河起  
 二沈家廂至東圩廂袤十六里六分面寬三十丈底寬十五丈  
 中深一丈四尺洩黃白二湖及州西南諸山水由飛雁投湖南  
 出泥汊北東出裕溪分達於江廬州附疏略無為州沿江大壩  
 勢湍急秋汛水漲汕刷底脚空虛致張謝圩永成圩一帶江灘  
 外陷二十餘丈塌及壩身經臣查該壩於乾隆十二年修築併  
 將壩身幫培以資防守在案臣查該壩於乾隆十二年修築併  
 因江溜北趨偏近壩根壩內即屬大河並無餘地培築該壩  
 士民共願開河讓地以作壩基經臣於安徽巡撫任內奏蒙  
 允准轉飭遵辦今越數年壩身塌卸若不於臨江設法保護殊  
 非經久之計隨檄蕘蕩營參將田宏謨會同廬州府和騰額  
 確勘估辦據稟張謝圩以下壩裏現有五十三年所築七壩厚  
 作重門保障永成圩壩外兜灣處所尚露壩基應行幫築寬厚  
 其壩後即係大河係黃白二湖入江經由之道無地圍築至於  
 壩外水深五六丈十餘丈不等土係浮沙如做埽工勢將易陷  
 若照從前以石支水之法堆砌石塊以挑江溜或地填碎石以  
 離壩根均恐不能存立實在難施沈家廂起至東圩廂止開挑新  
 河以洩黃白二湖之水由飛雁投湖下注出裕溪口達江將舊  
 河攔截涸出則壩上距河較遠餘地甚多得以培築大壩等情

臣因該州江壩為廬江巢縣和州含山等邑之保障攸關緊要  
 於二月二十四日親赴無為州沿江上下悉心相度該壩形如  
 壁立壩外水深五六丈至十餘丈不等永成圩外江內河僅存  
 一線單隄臨江既難施工壩後又無地幫築據該州紳士願請  
 開築上河讓出餘地培挑壩基以冀一勞永逸並以此項工程  
 係保障民田廬舍請即按糧出夫通力合作次第興辦不致請  
 項詞甚懇切臣與司道履同商酌自應俯順輿情准其自行  
 興挑查上河身寬窄深淺不一力勝圩一段應於平地開挖總  
 以口寬三十丈底寬十五丈深一丈四尺為度即以挑河之土  
 幫築壩基並填實舊河更為利便現飭藩司曉諭各紳士公舉  
 董事如式挑辦實成該州往來稽查一俟工竣諭臣再親往查  
 驗仍飭將臨江大壩隨時保護併將永成圩新估土工即令歲  
 修圩夫趕辦穩固以仰副  
 聖主奠安水土保衛民生至意  
 嘉慶十四年奉

上諭和州西北鄉之西九西十三四十五等都圩因上年夏間雨  
 水過多衝潰至一百餘丈急宜修築以資捍禦向來雖屬民修之工  
 但該處被災之後民力未免拮据著照所請賞借銀一千七百二十  
 六兩零即於藩庫內動給所借銀兩著自十四年為始分作四年攤

道光四年巡撫陶澍疏請借帑修無為州江壩併挑引河一道  
三月二十六日奉

上諭陶澍奏江壩工程緊要援案借帑興修一摺皖省無為州濱江臨湖地勢最低上年江壩被衝並下河水口淤塞以致州境均被淹浸自應趕緊興修俾資捍禦據該撫委員逐段勘丈估計分別修補加培並添築月壩挑挖引河共需土方銀四萬七千六百三十四兩零此項工程浩繁若責令民修誠恐力有未逮加恩著准其援照歷屆成案借項興修即於前次奏明扣留報撥銀內飭司如數發給該州督令紳耆等分領作速興辦毋任稍有草率偷減所借銀兩著於該州通境民田項下分限六年照糧攤徵還款並免造冊報銷其河壩各工壓估挖廢田畝該撫於工竣時查明照例題豁以舒民力該部

知道欽此

附疏略上年皖省沿江被水無為一州地勢最低被災尤難支卽須借項興修情形附片陳明又請將工程專交新任知州劉錫勳督同委員勸估酌量借項興修一面恭摺奏報奉

劉錫勳等逐一勘得無為州南臨大江地勢低窪所屬五百九十餘圩全賴一線江隄為之捍禦每遇江水盛漲時設有衝缺不特該州全境受害即毗連之廬江巢縣和州含山難免波及兼以西北濱近巢湖及黃白二湖附城各水均由泥汊口東南入江一經淤塞則內水停積而江水不無倒漾之虞上年江潮異漲州境全淹數月始退皆因江壩被衝併下河水口淤塞以致滿漫四潰白應趕緊興修查自青岡山三壩起至劉家渡欄河止擇其卑矮殘缺間段修補加培其王家渡以下至張家灣一帶江瀆項衝缺應內由陸家墩接楊灣長隄至太湖圩界溝止一律修殘補缺共計工長八千六百二十丈內估修工長二千六百六十三丈又勘估修築古家張蔣公隄張公隄古家各缺口共計工長三百九十三丈又勘估修築黃絲灘淺缺舊圩並於頂衝處所添築月壩一道共計工長二千六百八十二丈又勘估挑挖引河一道自下河口河堤起至姚家溝止共計工長八百九十九丈總共需土方銀四萬七千六百三十四兩三錢五分開河築壩均經奏請借項興修分年攤徵還款在案應

請援案借帑興修在該州通境民田項下分作六年照糧攤徵還款等語臣查該州田畝甚多工程緊要轉瞬春水發生攸關民命業經藩司勘定擇要興修均係刻不可緩之工相應懇懇因爲時已迫仰體我皇上軫念民生之至意即於前次奏明扣留報撥銀內飭司發給該州通境民田項下分限六年照糧攤徵歸款所借帑項應由該州通境民田項下分限六年照糧攤徵還款並請免其造冊報銷以省案牘

同治八年十二月巡撫英翰疏請皖省江隄被水衝潰籌款興工並請截留京餉以濟要需奉

旨所有該省應辦九年京餉十五萬著准其截留撥用該部知道附疏  
略皖省向來修築江隄原分官民工兩項官工則借帑興修復遇災荒野無蓋藏流離滿道非但官修之工須籌帑項即民修之工亦須酌量津貼臣飭司通盤核算非有鉅款三十餘萬兩不能蕺此要工皖省籌款之難久邀聖明洞鑒言丁漕則被災州縣已請緩徵言釐金則西征各餉尚不暇給羅掘已窮補苴無策要工既勢難暫緩款項又無可騰挪目擊艱虞五中焦灼臣現督飭藩司於無可籌畫之中移緩就急盡力

擲湊僅籌出五六萬兩加以前次馬新貽允撥之四萬兩能否湊足十萬兩尙未敢定此外尙短鉅款二十餘萬兩實屬籌無可籌伏念聖主垂廬災區於湖北湖南等省懇請留撥京餉修理隄工皆邀命惟有不揣冒昧仰懇昔年皖民待救之殷實尤甚於他省值此萬分急迫之時不敢不爲民請命惟有不揣冒昧仰懇留同治九年京餉十五萬兩修隄俾得以工代賑迅速告竣數十萬災黎早登衽席感激鴻慈實無既極此外如再有不敷之款應即於捐輸軍餉銀兩項下籌撥以期移緩就急早日蕺事

重修安徽通志卷六十二

河渠志

淮

淮水出南陽平氏縣胎簪山過桐柏山義陽平春安陽新息諸縣及浮光山淮陰亭原鹿故城在

思諸縣納油水大水瀨口水壑東過原鹿縣南今原鹿故城在此

入安汝水從西北來注之又東過廬江安豐縣東安豐故城在今霍邱決

水從北注之酈注決水自舒蓼北注不從北來又東谷水入焉至汝陰城入淮城在今潁州治

又東北左會潤水北而東入又東北窮水入焉窮谷又東

北至九江壽春縣西今壽州泚水洪水合北注之又東潁水從西

北來流注之又東流與潁口會東南逕蒼陵北又東北流逕壽

春縣故城西又北左合椒水一謂之清水又東過壽春縣北肥水從

縣東北流注之又北逕山硤中謂之硤石在壽州西北又北逕

莫邪山西山在鳳陽縣西南又東過當塗縣北當塗故城在今懷遠縣過水從西北

來注之又東北濠水注之水在今懷遠縣南謂之西濠又北沙水注之又東

過鍾離縣北鍾離故城在臨淮又東逕夏邱縣南在今五河縣東又東逕浮山

山在今盱眙縣西又東逕徐縣南徐縣故城在今泗州西北歷澗水注之又東池水

注之水出東城縣又東蘄水注之蘄縣今懷遠地又東歷客山逕盱眙

縣故城西自定遠境又東至廣陵淮浦縣今安東

入於海經水

以今輿地言之淮水東北逕固始縣北又東北逕潁州南去潁

百十里又東十餘里合汝水又東逕霍邱縣北去縣治四又東逕潁上縣南

去縣治二十五里潁水在南門外亦曰沙河東又東逕壽州西

南流至正陽鎮入淮謂之潁口即春秋之潁尾又東逕壽州西

北去州治六十里又東逕懷遠縣南折而北渦水

注之謂又東逕鳳陽縣北去縣治又東逕故臨淮縣北又東北

逕五河縣南去縣治一里有澮沱濬灌又東逕泗州南去州治

盱眙縣北去縣治又東北逕清河縣南與泗水合謂之清口出

東縣入海此導淮會泗沂東入海之故道也禹貢

淮水入海之道自禹迄今未改其不同者大河南徙淮水受泗

而東其故道悉為河所奪也通志

淮挾七十二山河之水匯歸洪澤湖每年夏秋上游水勢驟漲

自數尺至丈餘不等泗州

泗州與盱眙兩城相距凡七里自昔為淮流襟帶之處汴水自

河南界流經州城東合淮謂之汴口宋時以此為漕運要衝今

惟涓流可辨耳由州城而東三十里龜山峙焉淮流至此益折

而北又二十餘里而洪澤富陵泥墩萬家等湖環匯於淮之東

岸淮水泛溢恆在此州偏淮而地下故也川瀆

異同

海門深通則黃流自駛清口大關則淮漲自平河防志

或曰高堰之築淮陽甚便而泗人苦其停蓄淮水何也潘季馴曰此非知水者之言也戊寅夏詢之泗人曰鳳泗之水蓄於高堰未決之前乎抑既決之後也僉曰高堰決而後蓄也清口塞於高堰未決之前乎抑既決之後也僉曰高堰決而後塞也堰決而塞築則必通堰決而蓄築則必達堰成而清口自利清口利而鳳泗水下銳意董諸臣築之二月決口告竣而清口遂闢七月隄工告成清口深闊如故河防一覽

梁堰肥水以灌壽陽踰年堰成軍人列居其上或曰四瀆天所以節宣其氣不可久塞既而堰壞殺數萬人北史

宋景祐三年泗州作外隄以備淮水高三丈三尺自是水患少

弭禹貢錐指

熙甯四年十一月開洪澤湖達於淮宋史神宗紀

元豐四年命發運副使皮公弼修泗州洪澤湖海玉

是年蘇軾以龍圖學士出知潁州先是開封諸縣多水患吏不究本末決其陂澤注之惠民河河不能勝致陳亦多水又將鑿鄧艾溝與潁河竝且鑿黃堆欲注之於淮軾始至潁遣吏以水平準之淮之漲水高於新溝幾一丈若鑿黃堆淮水順流潁地為患軾言於朝從之宋史蘇軾傳

六年發運副使蔣之奇言上有清汴下有洪澤而風浪之險不止百里邇歲溺公私之載不可計宜自龜山蛇浦下屬洪澤鑿左肋為複河取淮為源不置堰牖可免風濤覆溺之患帝遣都水監丞陳祐甫經度祐甫言往年淮陰至洪澤開新河獨洪澤以上未克興役今不用牖蓄水惟隨淮面高下開深河底引淮

通流形勢為便但工費浩大帝曰費雖大利亦溥矣祐甫曰異時淮終歲失百七十艘若捐數年所損之費足濟此役帝曰捐費尙小如人命何乃調夫十萬開治既成命之奇撰記刻石龜山後至建中靖國初之奇同知樞密院奏淮水浸淫衝刷隄岸漸成墊缺請下發運司及時修築自是歲以為常宋史河渠志

明洪武八年九月上閱輿地書得濠梁古蹟一卷命內臣馳驛以賜東宮且令宋濂詢訪濂曰臨濠古蹟惟塗荆二山最著塗山在昔鍾離縣西九十五里荆山亦在縣西八十三里二山本相聯屬而淮水繞荆山之陰神禹鑿之水始流二山閒民免修阻之難禹之功也明太祖實錄

永樂七年淮決壽州泛中都明史稿河渠志

宣德七年壽州衛奏城西湖與淮通比雨潦暴漲壞城明宣宗實錄

正統元年壽春衛奏淮水泛漲壞城三年鳳陽府泗州等處淮水漲漫沙淤地畝不能布種明英宗實錄

天順四年鳳陽府淮水溢決壩埠敗城垣沒軍民田廬甚多命巡按御史中都畱守各遣官加意存卹衝決城壩逐漸築之七年修鳳陽衛土城及護城隄以淮水衝決故也明英宗實錄

正德十二年決漕隄灌泗州初淮自安東雲梯關入海無旁溢迨與黃會黃水勢感奪淮入海之路淮不能敵往往避而東陳瑄鑿清江浦因築高家堰舊隄以障之淮揚恃以無恐而鳳泗閒數為害明史稿河渠志新増

嘉靖十四年總河都御史劉天和言泗州祖陵地南有溪自北流入沙湖西有陡湖水亦匯於此沙湖南為淮湖自西而來東有沐池自東北來塔影蘆湖龜山韓家村諸湖及岡後沱溝之



水皆入焉西面溪水入金水河自陵前東流亦入汴水大則眾流混一從東南奔注於淮水小則匯瀦於陵東南四時不涸惟夏秋淮水盛發則西由黃岡口東由直河口瀾漫浸灌與諸湖水合淹及岡足欲東自直河口西自黃岡口五十餘里築隄圍繞可障淮河泛漲從之

明史稿河渠志 新增

二十九年四月總督漕運龔輝巡按御史史載德各奏泗州逼近淮河地勢低下今黃河水決入淮下流壅塞其勢必且上溢乞亟開直河口以通下流築二陳莊劉家溝二口以防衝決工部議覆報可

明世宗實錄

萬曆八年雨澇淮薄泗城御史陳用賓以聞給事中王道成疏言黃河未漲淮泗之間霖雨偶集而清河口已不容洩萬一震驚陵寢誠非細故宜令河臣設法疏導堵塞之總河潘季馴謂

黃淮合流東注甚迅駛泗州岡阜盤旋雨潦不及宣洩因此漲溢欲疏浚則下流已深工無可施欲堵塞則上流不可逆堵乃令季馴相度卒聽之而已

明史稿河渠志

十六年總督河道潘季馴條奏淮水至泗州基運山橫截河中涌漲時作恃石隄為捍禦而石內之土多係浮沙一遇霖雨輒至坍塌土既圯矣石將安附宜覓取真土幫築完固以捍洶涌

命依擬行

明神宗實錄

十八年潘季馴以增修泗州石隄經用不足工部議給淮安庫貯停濬草灣銀兩

明神宗實錄

十九年三月築泗州一帶護城石隄九月泗州水患異常公署州治水滄三尺城內原有水關後因淮水高於城濠故塞水關以防內灌至城內積水不洩居民十九淹沒工部尙書曾同亨

上其事上令河漕督撫會同巡按御史勘議要見泗城積水何以宣洩淮水停漲何以疏通填土增高有無可以捍禦周家橋是否應濬施家橋是否可開張福隄是否阻礙或別有可開之處為地方之利者具奏以聞

明神宗實錄

總督河道潘季馴上言水性不可拂河防不可弛地形不可疆治理不可鑿人欲棄舊以

為新而臣謂故道必不可失人欲支分以殺勢而臣謂濁流必不可分霖霖水漲久當自消

明紀事本末

二十年正月泗州水患疏洩之議父老有謂由傅甯湖開至六合入江者有謂濬施家溝周家橋入高寶諸湖者有謂弛張福隄以廣洩淮之口者又有謂開壽州瓦埠河以分上流之水者總督漕運巡撫鳳陽周案陳于陛巡按御史高舉合疏以聞工部覆請咨行河漕撫按勘議河道都御史潘季馴謂祖陵切近

王氣攸關與三臣議左俱下工部尚書會同亨以為河臣閱歷多年宜悉河事而撫按二臣又謂周家橋在祖陵後百里之外主於疏濬先年緊急河工例遣科臣往勘況泗州水患既關陵寢又關運道宜命科臣往會河漕撫按官從長計畫從之遣工科給事中張貞觀往勘泗州水患開浚工程四月貞觀回奏今欲洩淮當以關海口積沙為第一義然洩淮不若殺黃而殺黃於淮流之既合不若殺於未合但殺於既合者與運無防殺於未合者與運稍礙至於廣入海之塗則治鮑家口王家營至魚溝金城一帶地勢頗下因而利導之似當并議工部覆稱科臣親歷地方擬議詳確皆前諸臣所未及者惟黃河殺於未合於運道仍須計處若挑浚淮口停沙及利導鮑家口一帶當即如議其移州治開周家橋瓦埠河既稱不便即應停止從之

明神宗實

二十四年工部尚書楊一魁條議分黃導淮事宜請裁新隄以免壅潰修祖陵以培國脈闢清口以導淮流浚海口以免內漲又請以鳳陽府同知兼管淮河泗州同知盱眙縣丞加管河名色專屬南河分司

明神宗實錄

二十五年臨淮知縣陳民性建議會同指揮趙允昌請於淮濱

一帶創石隄以捍淮水二十七年隄成東西三百一十餘丈

如長虹全城賴以無恙

鳳陽府志

是年淮水大漲總河楊方興建

以洩一時暴流稍平即閉

揚州府志

崇禎十五年八月泗州水患已及陵牆詔所司保護

崇禎長編

國朝康熙三十五年總河王新命疏言禹王古河自盱眙聖人山

歷天長六合各有河形溪澗山岡不等若開引入江則天長楊

村銅城各汊澗大水發時可不入高郵邵伯諸湖湖水不致泛溢而下河之水可減至古河之口與淮水不相通流必建立牐座水小則閉牐以濟漕水漲則開牐以洩水庶淮水洶涌之勢可殺九卿詹事科道會議得開復禹王古河之處毋庸議

按小谷口蒼叢禹王河即蔣之奇所開龜山運河土人訛為

禹王河其說起於董安國誤聽泗州莫之翰之言遽行人告

捕風捉影不足據也

四十年五月二十一日大學士伊桑阿馬奇王熙吳璵熊賜履

張英學士法良辛保傅紳范承烈王九齡曹鑑倫奉

上諭高承爵奏報泗州盱眙地方水災著總河張鵬翮會同兩江總督

阿山親行察勘具奏前高家堰閉塞六壩時朕謂六壩塞完後泗州

盱眙等處必被水淹曾向九卿降有諭旨今六壩方經閉完洪澤湖

水長泛溢泗州盱眙等處城郭田畝果被水災高家堰隄益覺危險  
朕為此時慮於懷且天災靡定萬一有異常風暴及地動雷震之事  
亦未可知儻若高家堰至於危險則揚州淮安等處皆被災矣朕為  
此日夜甚切憂懼高家堰隄作何保守堅固或另有修治善策著張  
鵬翮陳奏著差爾衙門中書一員前往 附 張鵬翮疏略 內閣中書李  
洞照於未然之前應驗於已然之後 臣查泗州水災自古已然  
康熙三十八年李柄題報泗州水災不全係六壩之閉也且觀形  
積水為殃災困頻仍泗州在山之腰泗州在山之腰泗州在山之腰  
勢水為殃災困頻仍泗州在山之腰泗州在山之腰泗州在山之腰  
龜山屹立河中又十五里流過老山出水繞泗州而流二十里有  
一遇水發奔濤遇鬱水其所以勢必助長又有歸仁隄諸湖之  
水奔流而下入於泗州此其所以多水災也桃汛水長淹沒湖之  
此之故今四五兩月清口水流甚暢洪澤湖漸消泗州水亦  
漸消且六壩既開之後皇仁歡聲如雷且漕艘運河揚帆過行  
田可耕種感頌 聖恩 皇仁歡聲如雷且漕艘運河揚帆過行  
於四月十二日盡數過淮較往年甚速此皆由六壩之閉也今  
傳聚眾河官講求善策咸稱清口暢流會黃流過惠濟祠達大  
菱陵一帶皆係清水今五月已過湖水較桃汛時消落二尺餘

隄岸平穩此清口引動湖水大溜之所致也若做古制於舊家  
壩建隄以資宣洩但石工不能即成不若馬家壩口門仍留不  
堵以分洩黃河之水辛家壩修築水壩以洩黃河異漲之水不  
流益暢則淮水之出清口亦暢淮水之出清口亦暢淮水之出清  
淮流不壅況馬家壩在雲梯關之下辛家壩在大通口之下皆  
地處海套並無民田不關運道且欽奉 上諭開歸仁隄  
引湖水出黃河則泗州上源之水又無所入上諭開歸仁隄  
將來泗州水患庶幾可減等語眾河官之議與 臣相同但一得  
之愚未知當否伏 聖裁 候

九卿詹事科道會議具題奉

上諭這隄岸修築防護著照議行前總河于成龍具疏欲將高堰六壩  
堵塞蓄湖水以敵黃水疏通清口九卿覆奏時朕以為高堰六壩若  
行堵塞湖水泛漲泗州等州縣必被水淹沒曾諭九卿速遣范承勳  
等堵塞六壩此非張鵬翮到任之後始行堵塞頃因巡撫高承爵題  
報泗州盱眙水災朕敕張鵬翮會同江南總督阿山踏勘情形將泗  
州盱眙泛溢之水設法修治作何賑濟蠲租令其奏聞又以洪澤湖

重刊安海通志卷六十二  
水泛漲高家堰隄工以致危險朕於此事時切躊躇若高家堰至於危險揚州淮安等處州縣皆被淹沒朕爲此日夜殊切憂懼高家堰隄作何保守堅固更有何修治善策著張鵬翮陳奏會遣人敕諭張鵬翮稱病未往泗州盱眙今具疏稱泗州盱眙水災自古已然卽六壩全開泗州亦被水災臣往泗州查勘水勢情形詢據土人云明季時有水災則泗州之水不係六壩之閉按泗州志載宋臣歐陽修先春亭記云民所素病而治其尤暴者莫大於淮則知淮之爲暴於泗自古而已然矣今清口水流甚暢洪澤湖水漸消泗州水勢亦漸消且六壩旣閉之後水不東流高郵寶應興化泰州山陽鹽城江都等州縣田地涸出民得耕種皆河伯效靈之所致等語朕著張鵬翮會同阿山將泗州盱眙泛漲之水作何設法築隄幫修或賑或蠲俱有益於災黎並非欲開高堰六壩救泗州盱眙之民而令淮揚百姓罹

於水患也朕念黃河運河關係國計民生三次看閱河工屢行簡任河臣修築隄岸每歲不惜數百萬帑金解發夏月雨水時晝夜憂慮不時遣人看視凡被水災截畱漕米盡出倉糧賑濟者總爲賑救災民竝非賑救泗州盱眙百姓之災而淮安揚州等處百姓聽其罹災之意也據張鵬翮謂泗州盱眙水災自古已然而淮揚水災亦素有也張鵬翮奏稱六壩旣閉淮安揚州百姓俱免水災是但知淮揚地方豈獨不知有泗州盱眙天下之大亦竝不知其爲愚昧已至於極朕念四海一家凡有來朝見者必細詢雨澤田禾現有居住賀蘭山後公允木春來見問陝省河西田禾雨澤黃河水勢據允木春奏稱今歲自正月至六月滴雨未降黃河水消二丈有餘西地賴黃河水引人田畝耕種今年因黃河水小不但田禾卽莖草亦未生發朕以陝省河西百姓作何拯救雖督撫未經具題已晝夜籌度張鵬翮與

眾河官乃謂清河水出皆賴河伯效靈伊等效力所致此實因黃河水小清口之水幸而得出竝非伊等效力之所致也統一天下之主坐視災黎不爲拯救張鵬翮既係讀書之人此果載之何記何書耶至張鵬翮題請議敘河員疏內明知朕有諭旨故稱九卿未晰今覽此奏又含怒具題意謂必有人阻撓果如此懸擬昏憤之極未有如張鵬翮者這事情又似鹽犯大賊孔文泰之案希圖好勝冒昧不顧將取罪戾著將朕諭旨及張鵬翮所奏一併刊刻於淮安揚州泗州盱眙等處徧行張挂命眾人觀看天下之人自有公論

張鵬翮治河書

四十四年十月初四日

上諭工部方今海宇昇平惟以安阜黎元爲急東南要務莫重於河朕數經南巡指示修築方略凡以籌運道濟民生也自曩歲兩河衝決而黃流淤墊繼以高堰唐埠壩久決未塞而洪澤湖水直從決口旁

洩以致淮水力弱黃水倒灌全河幾至潰壞於是分遣廷臣發帑金數百萬增築高堰盡閉六壩俾淮水全注清口又特築挑水壩以偏黃溜趨向北岸仍開濬陶莊引河以導黃北流然後黃水無倒灌之患四十二年以河工漸可底績躬親臨視時高堰石工尙多未竣飭令迅速修築又因仲莊壩水勢湍急恐偏黃流倒浸清口遂命閉仲莊壩改建楊家莊壩工既成今年春復往巡閱北至高堰見石工仍未完固舊埽亦多朽塌諄諭河臣張鵬翮謂水勢無常修防宜豫一有疏忽則前工盡隳且甫奏安瀾旋報衝決天下其謂之何張鵬翮猶稱奏隄工捍禦可以無虞迨伏汛大水驟發果衝決古溝唐埠清水溝等處淮揚一路田畝被淹者甚眾今已嚴飭堵塞決口刻期竣工朕屢親蒞河干詳度形勢當水漲之時若高堰及運河減水壩不令開放則隄堰甚爲危險若開壩宣洩則閭閻隴畝必致淹傷方

春水涸民間盡皆播種一經夏水驟漲開壩放流而所播之種悉被淹沒朕心惻然殊為不忍使不設法導流俾水有所收束則瀕湖及下河民田究不免於水患朕再三籌畫宜於高堰三壩之下挑濬一河兩旁築隄束水入高郵邵伯諸湖湖外亦量築土隄不使漫溢其高郵減水壩下亦挑濬一河兩旁築隄束水由串場河入白駒丁溪草堰等河白駒等河淤淺之處竝開濬深通俾之入海如此則各壩所出之水不致有渙散衝流之害又洪澤湖水勢大漲泗州盱眙等州縣俱被水災應於泗州一帶受水之地亦酌量築隄收束毋令泛溢則所全於淮安揚州鳳陽三郡民生者多矣此事原於河道無涉在河官止知保護河道不復詳計民生朕惟民間田畝所係甚重宜圖萬全可久之策築隄束水行之北河業有成效則施之南河當亦有濟應從何地築隄延袤若干里需費幾何行令江南總督總漕總

河江蘇巡撫會同確勘詳議具奏爾部即遵諭行特諭

行水金鑑

四十五年原任大理通判徐光啟條陳泗州境內溜淮套為洪澤湖上游議於溜淮套穿湯家岡挑河築隄引淮水經金華寺許家岡曹家廟盧家集馬廠下張福口直出清口分水勢以達黃河一則河南一帶船隻無洪澤之險二則減洪湖之水以保高堰三則溜淮套高於張福口一丈八尺建瓴之勢亦可刷黃濟運總河張鵬翮據以上

聞即遣光啟齎奏

上諭總督阿山總漕桑格總河張鵬翮江撫於淮安撫劉光美會勘

金鑑

督臣阿山等會議自泗州溜淮套開河築隄分洩淮水至張福口會出清口奉

旨依議

行水金鑑

四十六年二月二十三日總河張鵬翮以自陳認罪事具奏二十八日奉

旨黃淮兩河關係運道民生總河身任河責必勿憚煩勞時親勘閱將應修應築之處斟酌合宜又能任用得人斯為稱職張鵬翮聽信罷斥小人徐光啟議開濶淮套河竟不親加審勘輒稱奏此河開浚有益所立開河標幟至毀壞民間墳冢民廬又地勢甚高雖開浚成河亦不能水出清口徒滋生事擾民張鵬翮請開此河輕舉妄動大負職掌九卿詹事科道將張鵬翮竝前會題請開濶淮套督撫等俱嚴加議處具奏三月初十日九卿詹事科道議奏奉

旨阿山著革職張鵬翮著革去所加宮保桑格著降五級劉光美於準著降三級俱從寬畱任餘依議

行水金鑑

雍正六年七月初二日

上諭據河道總督齊蘇勒奏稱改修山盱滾水壩三座卽令河兵將沿河舊存廢石運用不須另動錢糧今工程俱已告竣等語此皆齊蘇勒平日實心任事倡率屬員而白鍾山又能遵其教令核實辦理甚屬可嘉若以從前之總河官員處此不知又冒開多少工費矣白鍾山著交部議敘

江南通志

乾隆二十三年議淮安安徽濰河洪河於冬初水涸時查明應行挑濬工段勘估興修所需銀兩於江甯藩庫匣費項下每年動撥銀三千兩豫貯廬鳳道庫備用如有餘賸存爲下年之用儻有不敷如數找領或水過未淤有藉端糜費捏報冒濫等弊嚴行參處

會典

道光五年二月淮河流淺巡撫陶澍奏導鳳陽花源湖壽州城



西湖鳳臺焦岡湖入於淮又鑿懷遠之葫蘆繫開引河數道俾  
茨河口門暢流奉

硃批所辦好務要認真查驗另有旨諭欽此

三月十七日奉

上諭陶澍奏籌辦淮河情形一摺洪澤湖藉淮敵黃自應多方導引以  
資收蓄經該撫勘明各處情形除壽州境城西湖鳳臺縣境焦岡湖  
兩處抽溝係該民人自辦毋庸另籌經費外惟鳳陽縣境花源湖民  
多窮乏勢難捐辦著准其將道庫舊存水利平餘閒款內提銀二千  
兩交鳳陽縣剋期興辦又懷遠縣荆山口南新漲沙洲葫蘆繫須再  
開引河數道著准其在司庫積存宿靈抽溝利息內提銀一千二百  
兩交懷遠縣趕緊疏挑該兩處動用工費均非正項錢糧工竣由道  
驗收毋庸造冊報銷該撫務須認真查驗如有草率偷減即行參辦

毋稍徇隱該部知道欽此

附

陶澍疏略

臣前月入覲  
天顏仰

論同院時順道查驗等因臣於  
於正月內率同鳳陽府程懷璟及各州縣設法疏濬並經大  
士臣孫玉庭劄飭疏濬沿淮各湖茲臣帶同該道親往勘得淮  
河正身現已流通船行無滯惟洪澤一湖必藉淮源旺感方資  
收蓄敵黃自應多方導引以助其勢編歷濱淮各處有鳳陽縣  
境之花源湖壽州境之西鳳臺縣境之沙洲湖均屬可抽溝  
引導入淮此三湖皆周圍數十里本係民田久淹成浸其城西  
湖焦岡湖兩處抽溝約需經費數千兩現該州縣勸民辦指  
毋庸另籌經費惟鳳陽縣境之利平縣境之花源湖兩湖不報撥  
辦查得道庫有舊存水利平餘銀兩與報撥之閒款堪以動  
用擬提用銀二千兩交鳳陽縣刻期興辦又懷遠縣荆山口之  
南因嘉慶年間黃河南潰新漲沙洲名曰葫蘆繫東西橫長十  
餘里阻遏茨河淮水自西南而北繞越此洲必得再開引河數  
勢將葫蘆繫上游各州縣之患前經抽溝而淮水亦得再開引  
道將葫蘆繫上游各州縣之患前經抽溝而淮水亦得再開引  
需工費查司庫有積存宿靈抽溝利息銀兩擬提用銀一千二  
百兩交懷遠縣趕緊疏挑以上花源湖葫蘆繫二處動用工費  
無多均非正項錢糧應依事竣由  
道驗收毋庸造冊報銷以歸簡捷

陶澍又奏淮河洪澤湖壅滯情形籌辦築隄東水俾清流畅入

湖心以敵黃水以衛民田奉

休批與水利除水患莫大之善政也總要督率認真勸導有方固不可

徒費周章亦不可始勤終怠詳慎勉之欽此附疏略臣查淮水為洪

豫省桐柏縣流經固始入安徽阜陽境至霍邱縣之源出自  
南納潁水至潁上縣之八里洲而北納潁水之蚌埠一帶河  
滯迨壽州之正陽關以逮懷遠至鳳陽之洛陽及海河天  
時東時北以次納東淝西淝喬溝黑濠洛陽之蚌埠一帶河  
渦河北淝河大小數十水兼之西有鳳臺之峽石山東有懷  
之荆塗山重鈞柳淮流共開水勢本屬紆回自嘉慶年間黃  
河南潰夾帶泥沙淤流不一而足此致左右收納各水不能  
入節節壅滯迴漾成湖不一而足長河支汊驟然在目此時  
復登壽州城北之八公山數百里長河支汊驟然在目此時  
水方生勢已瀰漫一交伏汛每汪洋一片橫溢民田歲歲偏  
耗費河項自應設法補救以奠災區惟查洪澤一湖近年因  
厥放河與工兼恐沙泥直下更益洪湖之患祇有築隄東水  
處難暢入湖心既可蓄以敵黃而於兩岸民田即可藉隄保  
清流暢入湖心既可蓄以敵黃而於兩岸民田即可藉隄保  
但經費浩大無從籌措必須地方官實心實力為民信服者  
時督勸百姓設法辦理日計不足月計有餘自可漸著成效  
現在各州縣中已有數處勸民修築隄防開通溝洫俟竣時  
據實奏請 恩獎以資鼓勵此 壽州之芍陂懷遠之郭

陂塘等處皆水利最鉅之區日久蕪廢容臣督率各屬次第整理以興民利合併附陳

重修安徽通志卷六十三

河渠志

黃河

黃河在明嘉靖六年以前分爲六道其兩道由河南鳳泗入淮其四道由小浮橋飛雲梯大小溜溝入海時則河行開歸徐沛之地其後開歸沛諸流俱堙全河胥經徐州以入淮矣江南通志

按小谷口薈菴明初黃河六道由安徽者二出滎陽者至壽州入淮出祥符者至懷遠入淮

黃河自徐州東逕靈璧縣北去縣治一百二十里江南通志

黃河自徐州而下古泗水之道也靈璧卽禹貢泗濱河奪泗則

由靈璧矣靈璧縣河防錄

靈璧境內黃河二十二里地勢低窪河形兜灣明時張寒來等

靈璧縣志 卷之十三  
堡常常缺漫

靈璧縣志

靈璧雙溝左右地形卑下隄工屢決最稱險要

靈璧縣河防錄

張家瓦房在雙溝集西五里其地與墨家口近明萬曆中總河潘季馴謂此處縷隄正當黃流之衝河狹水激必不可守因而棄縷守遙築格隄於單口之上雙溝之下使橫流遇格而止水退仍復歸槽立法甚善康熙二十四年靳輔修築子縷二隄遙隄則未之及然其書有云江南境宿遷以下北岸則縷隄之內復築遙隄南岸則否蓋以大興經理之日正河道壞極之時惟奪河阻運是懼故隄防北岸不遺餘力而南岸未遑及之今兩河復故五六年無潰決之告則綢繆善後更當爲大害去而大利興之圖南岸遙隄一工其利有四黃患不測作重門之障一也東散漫之水匯湖入黃沮洳涸而爲沃壤二也引黃入淤歲

久加高卽岸成隄不煩加築三也挑土築隄卽開成小河一道伏秋保險運料便易四也靳輔之斷斷於南岸遙隄者如此嗣後司河者慮工費浩繁竟未修復而遙隄之舊存者且令民領種納租自是遺蹟蕩然矣雍正中總河齊蘇勒於墨家莊臨河築隄一道此卽所謂河狹水激必不可守之處也棄遙守縷縷之外又加一縷則束水愈急大溜直刷隄根遂成險工此張家瓦房壩臺之所以建也往年常於北岸淤灘開引河迄無成功忽一夕西風鼓浪大溜東趨衝成天然引河一道南岸之險由此遂平乾隆十七年伏秋盛漲大溜仍復南趨其險如故未雨綢繆之計所望司河者加之意也

靈璧縣河防錄

沙墊數尺不可開浚今相地勢謝家樓東至雙溝集南向來取  
土築隄隄內甚窪一經霖雨積水成渠就此略加疏鑿接入單  
家橋淤河開通漁溝則孟山泗山諸湖所產毛蘆舟運張工朝  
發夕至省民間陸運之累利一也靈邑十年九澇秫稻不可必  
得毛蘆旱澇無患歲料不缺利二也此河一成民田積水藉此  
宣洩利三也商民舟楫直抵雙溝百貨往來便易利四也一變  
通閒而河道民生均有裨益可不務哉靈璧縣河防錄  
趙皮寨起至李景高口一帶係黃河舊趨鳳陽故道明萬曆十  
七年創築遙隄長一千三百五十九丈九尺最為要害宜慎守  
之河防驗要  
歸仁隄高堰之屏障也其上流來源自徐溪口歷蕭縣靈璧等  
處二百餘里合永堽姬村湖水而匯於埧子白鹿等湖從白洋

河東西兩溝入黃河黃之泥沙得此而汰故俗亦名汰黃隄史

歸仁隄考

鳳泗淮揚之陷溺病在淮淮停病在黃黃之汎漲病在海口疏

海口以導黃抑黃水以洩淮此誠首務通漕類編

宋熙甯十年七月乙丑河大決於澶州河道南徙合南清河入

於淮宋史河渠志

元至元二十五年河決汴梁太康潁州被害元史世祖紀

皇慶二年六月河決陳亳睢三州元史仁宗紀

延祐三年潁州泰和縣河溢元史五行志

泰定二年亳州河溢漂民舍壞田免其租元史泰定帝紀

明洪武八年大河南決挾潁入淮海目遊四記

二十四年河決原武之黑陽山東經開封南行至項城經潁州

穎上東至壽陽鎮全入於淮故道遂淤明史河渠志

永樂十四年河決開封經懷遠縣由渦河入淮明史河渠志

二十一年戶部尚書郭資言鳳陽府宿州去年夏秋淫雨黃河

泛溢並傷田稼命遣人按視蠲其租稅明太宗實錄

正統十三年河決滎陽縣東抵項城達太和又西南達潁州注

於淮太和縣志

是年河決滎澤縣孫家渡口入汴至壽州入淮七月河又決滎

陽東南經陳畱自亳入渦口又經蒙城至懷遠界入淮續文獻通考

宏治二年五月河決汴城入淮復決黃陵岡入海命戶部侍郎

白昂兵部郎中婁性治決河昂於滎澤開渠導河由陳潁至壽

州合淮水入海明史河渠志

三年戶部侍郎白昂奏臣奉敕修治張秋決河由淮河相度水

勢至於河南中牟等縣見其上源決口南決者自祥符縣界折

為二支一合潁水下塗山入於淮一入渦河下荆山入於淮又

一支自歸德州通鳳陽之亳縣亦合渦河入於淮合潁渦二水

入淮者各有灘積水脈頗微宜疏濬以殺河勢明史河渠志

六年二月命右副都御史劉大夏修治決河時河決張秋大夏

行視之曰下流未可治治上流先導之南行且築長隄以防大

名山東之患候河頗循軌而後河可塞也於是濬賈魯舊河四

十餘里由曹出徐以殺水浚孫家渡開新河七十餘里導使南

行由中牟至潁以入淮又浚四府營淤河由陳畱至歸德醜為

二一由符離出宿遷一由亳渦會於淮南河全考

正德五年工部左侍郎崔巖奉命治河亳州濬四十餘里明武宗實錄

按武宗實錄云黃河自河南原武滎陽分而為三一由亳州鳳陽通淮入海一由歸德抵徐州小浮橋一名賈魯河由窪泥河抵徐州小浮橋其時河經亳州故濬之

嘉靖元年七月直隸鳳陽等府同日大風雨雹河水泛漲壞官民廬舍溺死人畜無數明世宗實錄

五年御史戴金言黃河入淮之道有三一自中牟至荆山合長淮之水曰渦河一自開封府經葛岡小壩丁家道口馬牧集鴛鴦口至徐州小浮橋曰汴河一自小壩經歸德城南飲馬池至文家集經夏邑至宿遷曰白河宏治間黃河變遷渦河白河二道上源年久堙塞而徐州獨受其害若逐一挑浚使之流通則水患可以少殺提督漕運總兵官楊宏言徐州上流若亳州渦河等處俱有黃沁分流支脈故道宜於此開浚或有捷路可開

庶以分殺水勢工部議奏浚賈魯之故道開渦河之上源則工大難成未可輕舉宜令各官逐一相度黃河水勢向背牖河地勢高下講求疏浚之法詔如所議明史河渠志

十九年河決睢州野雞岡由渦河經亳州入淮二洪告涸兵部侍郎王以旂同河道漕運二都御史周金郭持平築塞野雞岡濬李景口支河由蕭縣以達小浮橋凡六百餘里八閱月而成於是渦河堙而河之全力皆入於徐矣蕭縣志

二十四年河決野雞岡南至泗州合淮入海遂溢蒙城五河臨淮等縣明會典

隆慶五年河決雙溝等處十一口支流既散幹流遂微遂淤匙頭灣八十里起都御史潘季馴治之乃役丁夫五萬開匙頭灣塞十一口大疏八十里故道漸復明紀事本末

六年始築靈璧縷隄設立鋪夫靈璧縣河防錄

萬曆六年潘季馴築靈璧遙隄自三山頭至李家鋪長二萬八

千五十八丈靈璧縣河防錄

七年潘季馴慮黃河倒灌小河白洋等口挾諸河水衝射盱泗

作歸仁隄為保障計楊一魁奏疏

十六年開訾家營支河一道為淮安知府張允濟原議欲使大

河分流一殺泗州水勢一減清江浦外伏秋之漲而潘季馴疏

陳以為河不兩行自古記之往年河臣劉大夏劉天和王以旂

俱開濬支渠不久即淤恐妨奪正河虛費工力請行停寢河防

十七年河決雙溝單家口於是專議築趙皮寨至李景高口遙

隄築石將軍廟至埕山長隄築羊山至土山橫隄明紀事本末

十八年築單口辛安雙溝諸格隄淮安府志

二十七年鴻臚寺卿張朝瑞奏言泗州向無水患自萬曆七年

泗州之東築高家堰以遏淮而淮始為泗患漕臣褚鈇謂泗陵

水患病在高堰而開周家橋迄高良楯真對證之藥何好事者

倡為分黃導淮之議不知淮之患在泗州黃之患在清河相去

二百里而遙黃為患宜分黃導黃淮為患宜分淮導淮各因水

勢而利導也乃分清河之黃以導泗州相去二百里之淮是隔

鞭搔癢也工部尚書楊一魁駁曰黃流宜分則勢減而不為

淮病淮流宜合則力全而不至為黃扼黃淮合流於清口二

水相鬪黃高一尺則淮壅一尺淮退一步則黃進一步黃倒灌

淤沙橫截上流四五十里壅淮瀦蓄於盱泗之墟汪洋如海是

以有祖陵之患頃自分黃以來始見清口淮反高黃反低長淮

縱出將張福二口衝深一二丈闊百餘丈而泗州隄淮水頓落



一丈湖陂變為桑田分黃正以導淮此有目所共見張朝瑞獨以分黃導淮為隔鞞搔癢不知下流壅則上流溢水之源委尚未分曉是坐井觀天也卒從一魁議明神宗實錄

四十二年六月河決靈璧縣陳鋪入冬淤平河流復故南河全考

天啟元年河決靈璧雙溝黃鋪由永姬湖出白洋小河口仍與黃會故道堙涸總河侍郎陳道亨役夫築塞明史河渠志

三年河決徐州大龍口徐邳靈璧河並淤雙溝決口亦滿上下百五十里悉成平陸明史河渠志

六年廬鳳各府屬入秋霖雨連旬河溢廬舍衝沒人民溺死者無算明熹宗實錄

崇禎六年御史吳振纓奏歸仁等隄修塞事宜詔下部議行之吳侍御奏疏

附疏略鳳泗之水淮近而河遠故歸仁一帶之隄防淮而不防河以睢甯上下舊築西北長隄數百里

障河之橫而東其流以歸於海此歸仁之外捍也向者漕運走徐邳則為漕護隄歲勤修築自直河改運而急漕者視此隄為緩且邳州築其攔壩羊山塞其分流水盡通於睢甯有不容不決之勢矣故如餘堡雲堡湯家園諸口先後俱決是向之淮與黃至清河始合而今之黃水潰漫睢甯最下與淮合併浩渺無涯歸仁隄失其捍蔽而兼之黃強淮弱狂怒奔衝非一隄之力所能支故修歸仁而堅塞睢甯外隄之決口為治河之要著

命設江南河兵八營凡五千八百六十名罷淮揚二府徐州并靈璧縣

隄淺等夫江南通志

二十三年八月靈璧來字堡漫缺隄工四十餘丈靳輔治河書

是年修築徐州黃河南岸自蕭縣界經王家山郭家嘴上壩頭

三山頭至靈璧縣纒隄長一萬六千一百六十八丈六尺又修

築靈璧縣黃河南岸自徐州界至睢甯縣界衛工頭纒隄長三

千九百四十八丈江南通志

二十四年修築靈璧縣黃河南岸自徐州界撐隄起至龍虎山

臨河子隄長二千六百八十四丈接徐州子隄係民築江南通志

隄在謝家樓西子隄在墨家口西

三十一年十月從總河靳輔請

命吏部尚書熊賜履往鳳淮揚三府徐州會同督撫清查關河築隄建

造壩壩栽柳田畝盡豁錢糧并兩河歸故中河告成後淤成熟

地應升科田糧江南通志

三十六年自小店迤東起至靈璧縣界民築臨河子隄長四千

五十三丈江南通志

三十八年修築歸仁集西烏鴉嶺土隄自鳳陽府虹縣界起下

至歸仁集石工頭長五百九丈又修砌歸仁隄舊石工上自歸

仁集下至五堡格隄頭長三千八十八丈江南通志附御史徐越修

復歸仁隄疏略黃強淮弱前人借水濟運必欲助淮力北與黃

有隄水卑子湖其勢甚大且遇黃河一漲則能與此水相連  
儻無隄以攔之直下而東則中阻淮水北行之道淮水半趨而  
南其非趨者無全力則為黃所阻而不能入河以濟運其南趨  
者且匯諸湖之水漫溢於周橋所阻一帶為高竇各邑淪胥之患  
今議者從事於周橋故閉及堅築翟壩傾圮於水勢不可謂不  
審但淮水有源委謂當先施力於上流之歸仁隄然後議  
及於下流之周橋一帶乃獲有利無害耳夫歸仁隄上過臨  
水埠子湖復併白洋河出口以刷董口一帶之沙淤而為益  
於運道下則兜隄湖諸水使不得衝入淮流以阻其勢復南借  
周橋翟壩過淮水下湖之便安得不怒激以取路清口耶淮水  
全出清口而兩河湓運道通矣

按泗州歸仁隄去州治幾二百里去州境亦近三十里自歸

仁集迤東至桃源之于家岡約長五十七里實居泗州之脊

昔考州志徐邳而下河身卑窪湖水隨漲隨涸閒漫及泗境

猶為害不甚自黃水徙蕭縣義安山合永涸湖水流入宿州

之符離灌歷邳州之睢河與宿虹白鹿埠子藕湖等水匯為

巨浸由拖犁溝南流入泗境安河會淮為患一遇伏秋倒灌  
小河口白洋河由歸仁集東橫闊四十里奔騰而下逐年衝  
決經蕭碭宿睢靈虹濱河州縣田廬淤漫甚萬歷二十年  
巡按舒應龍改築石隄三千餘丈泗境稍安隄久傾頽水勢  
衝突直逼泗境與高堰平夫泗受淮患三牯閉既無所疏歸  
仁摧復有所入孤城一葉幾何不胥而為魚也至康熙十年  
修砌河歸故道泗可不憂黃而憂專在淮矣

三十九年九月二十四日

上諭工部歸仁隄修築事宜屢經面諭于成龍最為緊要乃于成龍性  
偏未行詳看遷延時日以至於今觀張鵬翮所奏甚為合理此事所  
關至要著九卿詹事科道可作速會同詳議具奏及今年黃河水小  
之時興工毋誤圖并發 廷議應如所奏奉

旨依議速行

四十年加幫靈璧縣黃河南岸墨家口撐隄長一百一十六丈

江南通志

雍正五年創築靈璧縣黃河南岸墨家莊裏隄長二千一百八

十八丈

江南通志

九年建築靈璧縣黃河南岸張家瓦房壩臺併樓崖埽工長一

百五十丈

江南通志

乾隆元年奉

上諭潘家道口一帶地方年來屢遭水患自應亟為流通為安百姓  
之計但此水下流多在江南蕭宿靈虹睢甯五河等州縣今若止議  
挑濬上源而無疏通下流之策則水無歸宿之區仍於河渠無所裨  
益著河南巡撫富德會同江南總督總河各委賢員會勘明確公同

重刊安徵通志卷六十三  
妥議速行辦理 全文恭錄  
皇言紀

三年奉

旨議定毛城鋪減水壩迤下河道令豐蕭碭河務通判銅沛河務通判  
邳睢靈璧河務同知宿虹河務同知山盱河務通判各照所屬  
地方分界管理子堰或經單薄河道或有淤阻均令隨時修補  
疏導

是年總河高斌開峯山插下引河由睢甯馬家淺焦管營西南  
至靈璧之枕頭山入漁溝歸孟山湖 靈璧縣  
河防錄

五年總河高斌啟峯山頭插兩堰崩裂黃水散漫滄瀾田廬河  
形旋失 靈璧縣  
河防錄

十一年總河高斌疏言峯山四插洩水無多不遇盛漲之年無  
庸啟放 靈璧縣  
河防錄

十八年九月十二日夜半張家馬路決口南灌靈璧雙溝上下  
河流涸竭是歲靈璧春夏大旱蝗蝻徧野六月甫滅天降淫雨  
歷七八九月不霽淮睢大漲洪澤泛溢加以全河之水奔騰而  
城南一帶俱為巨浸奉

旨賑饑用銀一十八萬六千餘兩米七萬石十二月十三日決口塞水

始退 靈璧縣  
河防錄

嘉慶七年題准改宿虹河務同知為宿北同知增設宿南河務  
同知通判各一人 會  
典

上諭據松筠等奏查勘籌議山盱隄堰及下河地勢情形並毛城鋪無  
須修復等款所議俱是高堰以大隄為根本大隄堅實則二隄毋庸  
添築二河更無須挑挖著照所議將大隄子堰東首單薄之處分別  
培築並將子堰栽種排柳蟠根護土以資保護至五壩急須修復著

即以此估修俾清水得有關東不致泛濫為患其下河一帶各河道及毛城鋪工程均著無庸辦理高寶運河應修隄工著照所請動款修築以利漕運欽此

會典

重修安徽通志卷六十四

河渠志

運河

安慶府在江北岸其漕運懷甯縣瀕江桐城縣自樅陽河入江潛山太湖二縣並自北至府有水次倉在懷甯境宿松縣西經泊湖出望江縣之吉水鎮入江望江縣南行十五里逕達江口自江口東北行九十里至府同安驛又十里至桑園又二十里趨南岸為池州府貴池縣之黃溢又七十里至池口驛江南通志池州府在江南岸其漕運貴池縣自清溪入江青陽縣自大通鎮入江銅陵縣西距江一里而近建德縣自堯城渡經東流縣入江東流縣瀕江自東流縣西江行一百三十五里至池口驛又八十五里至銅陵縣又六十里至太平府繁昌縣之荻港驛

其對岸則廬州府之無為州江南通志

廬州府在江北岸合肥舒城巢三縣漕運由巢湖一水貫注經

運漕鎮出和州之裕溪口入江廬江縣無為州由黃洛河經運

漕鎮出裕溪口入江二十里至太平府西梁山江南通志

甯國府在江南岸宣城甯國涇旌德太平南陵六縣漕運並會

於府北灣沚河出楊清口合黃池下流出水陽河入江江口即

太平府之東梁山江南通志

按宣城縣兌漕明初在太平府水次宣德七年移在水陽涇

縣南陵甯國旌德太平五縣俱在蕪湖水次至今因之

廣德州及建平縣在江南岸廣德漕倉在宣城水陽建平縣漕

運自縣城以小舟運南湖至水陽皆由蕪湖達於江江南通志

太平府在江南岸其漕運當塗縣北出采石河二十五里入江

蕪湖縣西七里入江繁昌縣由澇港入江五十里至東梁山西

四十里至采石鎮又五十里至江甯府之江甯鎮以上府州

江運漕船隨地遠近遞續交會俱運江甯龍江關過十里青山

入儀真運河江南通志

按當塗縣西三里有金柱關土名破缺口姑溪河水入江處

也明萬曆間知縣章嘉貞建金柱塔於此以鎮塞水口改今

名其時河水已不復繞道采石當塗漕運之由金柱關入江

固已久矣

淮之北岸鳳陽府之懷遠宿州靈璧潁州府之阜陽潁上亳州

太和蒙城泗州之五河漕運俱入淮經洪澤湖江南通志

按同治三年割宿阜亳蒙泗州縣地置渦陽縣屬潁州府

淮之南岸鳳陽府之定遠壽州鳳臺潁州府之霍邱直隸六安

州併英山霍山直隸泗州併盱眙漕運俱入淮經洪澤湖

以上州縣俱交會由清河縣帥家莊入黃河運道江南通志

泗州天長縣漕運自石梁山出邵伯湖入通湖牯口東直高郵

城達淮安府江南通志

夏沿于江海達于淮泗禹貢沿江入海由海入淮由淮入泗孔氏傳

按通典同安今安徽新安今安徽廬江今安徽鍾離今安徽壽春今安徽

永陽今安徽歷陽今安徽等郡皆屬揚州

周敬王三十四年吳城邗溝通江淮左傳

魏正始四年修諸陂於潁之南北萬餘頃自是淮北倉庾相望

壽陽至於京師農官屯兵連屬焉晉書宣帝紀

司馬宣王使鄧艾行陳潁以東至壽春艾以為良田水少不足以盡地利宜開河渠可以大集軍糧又通漕運之道宣王從之

乃開廣漕渠東南有事興眾泛舟而下達於江淮資食有儲而無水害艾所建也三國志鄧艾傳

唐開元二十七年采訪使齊澣開宿州虹縣廣濟新渠自虹至

淮陰北十八里入淮以便漕運既成湍急不可行遂廢唐書地理志

建中閒李希烈阻兵江淮輸物畱梗判官王紹乃徙餉道自潁

入汴唐書王紹傳

元和十一年十二月置淮潁水運使運揚子諸院米自淮陰泝

流至壽州四百里入潁口又泝流至潁州沈邱界五百里舊唐書憲宗紀

長慶二年八月轉運使王播進開潁口圖舊唐書穆宗紀

周顯德六年命侍衛都指揮使韓通宣徽南院使吳延祚發徐

宿等州丁夫數萬浚汴水命馬軍都指揮使韓令坤自大梁城

東導汴水入於蔡水以通陳穎之漕發畿內及滑亳丁夫數千以供其役通鑑

王溥改鎮潁州州境舊有通商渠距淮三百里歲久湮塞溥疏導之遂通舟楫郡無水患宋史王溥傳

水陸運使杜佑奏廬壽之間有水道而平岡互其中曰鷄鳴山疏其兩端皆可通舟其間登陸四十里而已江湖黔嶺蜀漢之粟可方舟而下由是白沙趨東關經廬壽浮潁步蔡歷琵琶溝

入汴河不復經沂淮之險徑於舊路二千里功寡利溥朝議將行而徐州順命江淮乃通宋史河渠志

宋建隆二年正月浚蔡渠命右領軍上將軍陳承昭督其役導閔水自新鄭與蔡水合貫京師歷陳穎達壽春以通淮右之漕

舟楫畢至都人利之文獻通考

開寶間議征江南用京西轉運使李符策發和州丁夫及鄉兵數萬人鑿橫江渠於歷陽以通漕運軍用無闕宋史河渠志

太平興國三年泗州汴水漲一丈塞州北門宋史五行志是年梁迥以平江南功領泗州團練使詔迥發畿內丁男三千

護塞汴口宋史梁迥傳至道中王嗣宗為江浙荆湖發運使初漕運經泗州浮橋舟多

覆壞嗣宗徙至城隅遂獲安濟後以漕運稱職就拜太常少卿宋史王嗣宗傳

景德三年七月汴水決南至亳州合浪岩渠東入於淮宋史五行志

九月浚汴口宋史真宗紀李溥任制置江淮等路並發運使因高郵軍新開湖水散漫多

風濤溥令漕舟東下者還過泗州因載石輸湖中積為長隄自



是舟行無患

宋史李溥傳

祥符八年太常少卿馬元方請浚汴河詔遣使計度修浚使還上言泗州西至開封府界崖闊底平水勢薄不假開浚請止自泗州夾岡用工八十六萬五千四百三十人以宿毫丁夫充計減工七百三十一萬從之

宋史河渠志

熙甯四年發運副使皮公弼言漕運涉淮有風濤之險請開洪澤河六十里從之工畢錫公弼銀

文獻通考

元豐六年正月戊辰開龜山運河至二月乙未告成長五十七里闊十五丈深一丈五尺初發運使許元自淮陰開新河屬之洪澤避長淮之險凡四十九里久而淺澀熙甯四年皮公弼請復濬治起十一月壬寅至明年正月丁酉而畢人便之至是發運使羅拯復欲自洪澤而上鑿龜山裏河以達於淮帝深然之

會發運使蔣之奇入對建言乃詔夫十萬開治

宋史河渠志

元祐四年六月知陳州胡宗愈議開浚古八丈溝分蔡河之水

自爲一支由潁壽入淮詔從之

文獻通考

紹聖中曾孝蘊提舉兩浙常平徙江淮荆湖發運泗州議開直河以避漲溢沙石之害孝蘊以淮汴不相接不可成既而工役

大集竟成之未幾河果塞

宋史曾孝蘊傳

崇甯二年十二月詔淮南開修遇明河自眞州宣化鎮江口至

泗州淮河口五年畢工

宋史河渠志

政和四年二月工部言前太平州判官盧宗原請開修自江州至眞州古來河道堙塞者凡七處以成運河入浙西一百五十里可避一千六百里大江風濤之患又可就土興築自古江水浸沒膏腴田自三百頃至萬頃者凡九所計四萬二千餘頃其

三百頃以下者又過之乞依宗原任太平州判官日已興政和  
圩田例召人戶自備財力興修詔沈麟等相度措置宋史河渠志  
十年四月尚書省言盧宗原濬江慮成騷擾詔權罷其役宋史河渠志

任諒為江淮發運使蔡京破東南轉般漕運法為直達綱應募  
者率游手亡賴盜用乾沒漫不可核人莫敢言諒入對首論之  
京怒會汴泗大水泗州城不沒者兩版諒親督部卒築隄徙民  
就高賑以米粟水退人獲全京誣以漂溺干計坐削籍歸田里  
執政或言水災守臣職發運使何罪帝亦知其枉復右文殿修  
撰陝西都轉運使宋史任諒傳  
重和元年二月前發運副使柳廷俊言真揚楚泗高郵運河隄  
岸舊有斗門水牖等七十九座限則水勢常得其平比多損壞

詔檢計修復宋史河渠志

宣和二年九月以真揚等州運河淺澀委陳亨伯措置初淮南  
連歲旱漕運不通揚州尤甚詔中使按視欲濬運河與江淮平  
會兩浙有方臘之亂內侍童貫為宣撫使譚稹為制置使貫欲  
海運陸輦積欲開一河自盱眙出宣化朝廷下發運使相度陳  
亨伯遣其屬向子諲視之曰運河高江淮數丈自江至淮凡數  
百里人力難濬昔唐李吉甫廢牖置堰治陂塘泄有餘防不足  
漕運通流發運使曾孝蘊嚴三日一啟之制復作歸水澳惜水  
如金比年行直達之法走茶鹽之利且應奉權倖朝夕經由或  
啟或閉不暇歸水又頃毀朝宗牖自洪澤至召伯數百里不為  
之節故山陽上下不通欲救其弊宜於真州太子港作一壩以  
復懷子河故道瓜州河口作一壩以復龍舟堰海陵河口作一

壩以復萊蕪待賢堰使諸塘水不為瓜州真泰三河所分於北  
神相近作一壩權閉滿浦牐復朝宗牐則上下無壅矣亨伯用  
其言是後滯舟皆通利云

宋史河渠志

六年九月從盧宗原請開池州車軸河口以便綱運

宋史河渠志

七年九月詔宗原措置開濬江東古河自蕪湖由宣溪溧水至

鎮江渡揚子趨淮汴免六百里江行之險

宋史河渠志

建炎間吳中甫為江淮發運使自洪澤鑿渠六十里以避長淮

漕運之險

江南通志

乾道七年二月詔令淮南漕臣自洪澤至龜山淺澀之處如法

開撩

宋史河渠志

金元光元年於靈璧縣潼郡鎮設倉都監及監支納以方開長

直溝將由萬安湖舟運入汴至泗以貯粟也

金史河渠志

元憲宗四年張柔移鎮亳州以渦水北隘淺不可舟軍既病涉

曹濮魏博粟皆不至乃築甬道自亳抵汴隄百二十里流深而

不能築復為橋十五或廣二十尺橫以二堡戍之

元史世祖紀

五年張柔會大帥於符離以百丈口為宋往來之道可容萬艘

遂築甬道自亳而南六十餘里中為橫江堡又以路東六十里

皆水可致宋舟乃立柵水中惟密置偵邏於所達之路由是鹿

邑甯陵考柘楚邱南頓無宋患陳蔡潁息皆通

元史世祖紀

至元中丞相巴延獻海運之法時江東甯國池饒建康等處運

糧率合海船從揚子江逆流而上江水湍急又多石磯走沙漲

淺糧船俱壞歲歲有之

元史食貨志

明洪武四年上謂中書省臣曰臨濠為朕興王之地今置中都

宜以傍近州縣通水路漕運者隸之於是省臣議以壽邳徐宿

重刊安徵通志 卷之十四  
顧息光六安信陽九州五河懷遠定遠中立蒙城霍邱英山宿  
遷睢甯碭山靈璧潁上泰和固始光山豐沛蕭一十八縣悉隸

中都

明太祖  
實錄

永樂元年戶部尚書郁新等言淮河至黃河多淺灘跌坡饋運  
艱阻請自淮安用船可載三百石以上者運入淮河沙河至潁  
岐口跌坡下復以淺船可載二百石以上者運至跌坡上別以  
大船載入黃河至入柳樹等處令河南車夫運赴衛河轉輸北  
京從之

明太宗  
實錄

宏治二年河失故道泛及汴隄巡撫以聞上命侍郎白昂行昂  
言河患甚急非臣一人所能治惟郎中婁性爲臣屬官其才可  
任詔可於是性受謀畫以河舊自歸德府之飲馬池東入睢水  
經宿州靈璧至宿遷小河口入泗惟睢淺隘不能受故其勢瀾

漫橫溢併及永城夏邑蕭縣碭山睢甯等處其治之無緩性乃  
協謀於巡按命鳳陽知府章銳相其便宜以興工役而推官李  
渭宿州知州萬本分行治之自宿遷而上至歸德而下並加疏  
浚使淺者以深隘者以闊其傍民居田畝悉築隄以護其崇一  
丈又於符離橋南鑿月河一道長五百丈闊十丈深二丈五尺  
沿河置減水牐七及浚渠一

宿州  
志

萬曆四十四年巡漕御史上漕河事宜言河決狼矢睢甯爲壑  
宜於徐靈一帶護城舊隄增卑培薄繕治堅完庶幾不害

錄

明神  
宗實

國朝雍正四年七月總河齊蘇勒疏奏高堰山盱一帶臨湖石隄  
高卑不等請通行修理以高出水面爲度背後土隄一律加高  
並將大隄單薄處擇段幫寬接築湖心石隄與石工高厚如一

旨依議行

十月齊蘇勒議稱洪澤湖滾水壩石壩三座安砌門檻太高每遇湖水大漲不能暢出分洩請將三壩門檻各落一尺五寸所需物料卽於沿河兩岸先年廢棄之壩壩石塊內揀選添用奉

乾隆四年奏准洪澤湖發源桐柏淮泗及七十二谿等處閘歲冬春河臣會委大員將河形水勢通塞衰旺以及分支合流可引可截各情事詳細勘明豫爲酌定

十六年

上諭洪澤湖上承清淮汝潁諸水會爲巨浸所以保障者惟高堰一隄天然壩乃其尾閘伏秋盛漲輒開此壩洩之而下游諸縣胥被其害冬月清水勢弱不能刷黃往往濁流倒灌在下游居民深以開壩爲懼而河臣轉藉爲防險祕鑰二者恆相持朕南巡親臨高堰循隄而

南越三滾壩至蔣家插周覽形勢乃知天然壩斷不可開夫設隄以衛民也隄設而民仍被其災設之何用若第掣流緩漲自保上游搶險各工而鄰國爲壑田廬淪沒弗復顧惜此豈國家建立石隄保障生靈本意耶爲河臣者固不當如此存心也天然壩當立石永禁開放以杜絕妄見近者河臣等於開天然壩亦深以爲非而請於三滾壩外增建石滾壩以資宣洩朕親臨閱視謂增三爲五卽以過水一二尺言之向過三尺者卽爲五尺向過六尺者增而至丈是與天然壩名異實同人必有議其巧避開壩之名而陰襲其用者是當爲之限制上年滾壩過水三尺五寸天然壩仍未開放應卽以是爲準俾五壩石面高下維均以仁義禮智信爲之次仁義禮三壩一如其舊智信二壩則於石面之上加封浮土必仁義禮三壩已過水三尺五寸猶不足以減盛漲則啟智壩之土仍不減乃次及於信斯爲節宣

有度較之開天然壩之一往莫禦者懸殊矣再高堰石隄至南滾壩以南舊用土工石隄有首無尾形勢不稱應自新建信壩非雁翅以非一律改建石工南雁翅以南至蔣家壩水勢益平則石基甄瓚如此方首尾完固屹如金湯永爲淮揚利賴至洪湖束水藉以刷黃而上游宿鳳虹潁諸邑歲被水患議者謂洪湖盛漲諸邑先被其災洩洪湖仍於上游無補自朕觀之漲減則上游之漫溢者亦減此固在封疆大吏於未被水時先事綢繆而司水土者亦未可謂閤閤休戚非己職掌所在而專以束水保隄爲得計也河工宿弊不可枚舉而無益之費尤多或明知無用而因循不發或因以爲利而妄事興修卽以朕巡視高堰一隄之內已不勝屈指數然觀河臣管領河漕數千里民命所繫視督撫綏輯一二省者爲難冒涉風雨守護隄防亦視督撫坐辦案牘者爲勞而督撫職在刑名錢穀事有實據是非難

掩河臣遵守章程可以福命苟安無事則其任較易向來河臣不乏表表尸祝之輩而糜帑養患有罪無功其識機宜得關鍵實著功效者幾人哉果使全不興功則置民瘼於不問河臣幾於虛設固無此政體如其糜脂膏以擲虛牝則蠹弊之最巨者總之河不可不治而毋徇其虛名工不可不興而必歸於實用我

皇祖聖祖仁皇帝屢幸南河

躬親指示平成睿略萬世永賴朕何能仰企一二卽經親視有所籌畫亦不敢自信爲必不可易惟愛養黎元揆理度務崇實敦本兢兢業業之衷可共白耳將此詳悉宣諭中外臣民其庀材興工一切應行事宜河臣會同督臣按例確估具題欽此

乾隆十七年

上諭朕聞洪澤湖周圍寬廣五百餘里遇風起浪涌船有漂溺之患康

熙年間

聖祖仁皇帝特設救生椿釘於石工之外被溺之人全活甚多今夏家橋地方有舊葦壩一座並高堰以南順水壩一座皆有口門為遭風船躲避之所於行舟甚屬有益再於高堰廳屬之老隄頭山盱廳屬之高湖壩迤南又徐家橋周橋四處各增設護隄救生壩俾沿河一帶人船恃以安全欽此會典

重修安徽通志卷六十五

河渠志

水利一

安慶府

懷甯縣木郎河在曾家山北引新河水灌田千餘畝

槐茨湖在廣泰圩南引新河水灌田五百餘畝

金家舖在舊橋南引長楓港水灌田二千餘畝

張家寨在破港山南引長楓港水由三墩入灌田千餘畝

龍蕩壩在淶水鄉引秦塘湖水灌田四百餘畝

陳家湖在安樂圩內灌田二千餘畝

大陂塘在三城寺西灌田千餘畝

分水壩在碎石嶺東其源出泉陂塘至此大盛灌田數千畝

女兒潭在仆狗嶺下灌田千餘畝

張灌塌在之子橋上灌田八百餘畝

縱包塌在鄭家河灌田二千餘畝

野鴨塘在芝麻嶺南灌田數百畝野鴨塘隸潛水利歸潛相傳懷潛塘隸懷水利歸潛相傳懷潛

取便相易如鄭人以祊易許田也

金絲堰在廣渡橋上引小吏港大河水灌田數萬畝

受泉塌在迴龍廟引小吏港後河水灌田數千畝

官橋堰在王家阪引珠流河水灌田千餘畝

蓮花湖在王家阪內灌田數百畝

高陂堰在靈源觀踏水橋下灌田數千畝

雙插李家沖口空度嶺太平山之水匯於此灌田數千畝

馮家河在受泉鄉納橫山以西子貢嶺以北之水至油樹灣下

白洋湖隨河為堰灌田數萬畝

鵝港堰在劉京阪引黃泥港大河水旱則為堰灌田數萬畝

趙家堰在趙家阪引黃泥港大河水旱則為堰灌田數千畝

包家溝在石牌引石牌大河水灌田數千畝

油匠堰在時公渡上灌田數千畝

廣泰圩在淶水鄉引江水灌田萬餘畝

安樂圩與廣泰圩鄰田二千餘畝

黃荻阪在淶水鄉田數萬畝

總鋪阪在淶水鄉田數千畝

土橋阪在大豐鄉田數千畝

操家阪在大豐鄉田數千畝

三橋阪在受泉鄉田數萬畝



鄭家圩在受泉鄉白湖口田數千畝

雲田阪在欽化鄉周廣數十里不計畝數

受泉阪在受泉鄉田數千畝

凌家阪在受泉鄉田千餘畝

黃成圩在堯年鄉田數萬畝

梅家湖圩在堯年鄉田三千餘畝

趙家湖圩在堯年鄉田三千餘畝

赤湖圩在堯年鄉田三千餘畝

楊林阪在堯年鄉田數萬畝

釋迦阪在堯年鄉田數千畝

龍山湖在潛岳鄉田數千畝以上懷甯

桐城縣樅陽河在縣東南百二十里其源自懷甯流入縣南百

三十里又東流繞樅陽故縣諸川流入漑田甚廣

桐溪在縣東繞城而引流入城曰桐渠漑民田百餘頃順治康

熙閒兩次重濬

青草壩納潛山沙河之水東南歸練潭河

葫蘆壩納屏風嶺東諸山之水入毛家河匯龍眠大溪

菜子湖入蟾子湖鴨子湖諸水東與榆樹背河合連城湖納連

城諸山之水東南歸樅陽河其東岸為中渡河

月兒湖納樅陽鎮北諸山之分小溝入王家塘又分小溝入

河

新開溝納石背頭之水入於江

白蕩湖北匯獺橋湖西連竹子湖南通破壩湖東連章家賽入

於江

陳洋湖會九兒潭之水其北有水圩

孔城以西下樅陽以東皆圩田其上大埠縣互百餘里以上桐城

潛山縣吳塘陂在縣西二十里潛水所注三國魏揚州刺史劉

馥開吳陂以溉稻田一名吳陂堰又吳呂蒙鑿石通水灌稻田

三百頃亦卽此陂明萬厯閒重築石隄石牖

國朝康熙十一年重修

仰天湖在雪山下其水沃

南湖在縣治南一曰靈湖又曰南園

雪湖在縣治東

烏石堰在縣東北三十里皖水所灌乃古陂也明知府胡纘宗

修築石壩一名烏石堰

殷家紫隄在吳塘堰之東以上潛山

太湖縣翟公隄在縣西南縣志作縣東元至正閒縣尹翟居仁築至

今民賴其利

古熙塘在北門外

清水塘在太平鄉

大羅塘在興化鄉

天明塘在北門外

阜民塘在阜民門外

大安塘在太平鄉

小羅塘在興化鄉

白水塘在縣東三里

官塘在長甯鄉明洪武閒監生李順奉工部劄子開

沙陂堰在棠梨阪

烏株塘在興化鄉

牛浴塘在縣南城外

棠梨堰在棠梨坡

銀子河堰在銀子河

甘莊堰在甘莊嘴

龍門堰在縣西納龍門山水

繫馬柱堰在馬家阪

黃土塘堰在黃土塘

木馬堰在馬家阪

高格寺堰在佛圖山下

靈仙莊堰在曹家阪

東堰在縣東四十里

萬家堰在鵝子山

龍家堰在橫山橋

梅家堰在梅林村

陳子基堰在楊家沖

下馬堰在松陽橋

泗洲墩堰在糊皮坡

大掌坪堰在白鹿河

城頭堰在城頭阪

父子墩堰在賈家坡

包公白廟堰在包公白廟

嘉鵝堰在武陽阪中

千工堰在千工阪

甘漳堰在甘家阪

郭家堰在郭家阪

長湖堰在長河園

劉家山鋪堰在劉家山鋪

張家堰在廖家山

羅家堰在羅家阪

白沙堰在石霞山口

張家堰在南陽石

高莊堰在汪洋鋪

梅家沖堰在李陽村

東天阪堰在東門外

秦良堰在秦良阪

白石阪堰在沙長阪

高陂堰在李家阪

羅陂阪堰在羅家村

黃土陂堰在黎家阪

楓香堰在凌林河

龍灣西沖堰在龍灣村

洪念沖堰在蓋家口

陸鍾堰在陸家沖

千家堰在千家阪

斗田堰在斗田阪

北倉堰在張家阪

許家橋堰在檢石嶺

鮮陂堰在鮮陂阪

三才阪堰在魏家阪

盧家堰在盧家冲

羅溪關口堰在單家阪

新增堰在李家冲

萬柳隄在縣北門外乾隆十九年知縣吳易峰築

官圩壩在興化鄉

孫公隄在縣西門外長三千四百五十弓道光十年知縣孫濟

築

宣禦牖一在小河口一在施公山社一在楊樹溝一在犁頭背

道光十年知縣孫濟建以上太湖

宿松縣鑿山公塘在縣東十里

楓香隄在縣東三十里長三百五十五丈明宏治中知縣施溥築

張家塘在縣東十里鑿山下

官塘在縣北十里

板橋塘在縣西十里

大蕩角塘在縣東二十里

白茅塘在縣東二十里

項應塘在縣東二十里八里

朱受塘在縣東二十里

屠家塘在縣北二十里

浮雲里塘在縣東三十里

曾禮正塘在縣東三十里

荆橋塘在縣東三十里

豆溪塘在縣東三十里

淇五塘在縣南三十里

黃花塘在縣北三十里

張四塘在縣北三十里

蓮花塘在縣北三十五里

羅隱塘在縣東北三十八里

黃家堰在縣城東

清同堰在縣南十里明宏治中知縣施溥築

惠民堰在縣西二里明知縣施溥築灌河西田百畝

舊縣隄在縣北

黎協隄在縣東一里長百丈明宏治中知縣施溥築

翟公隄在縣西四十里

以上宿松

望江縣漳湖在縣東北六十里四面受水最為田患近有洲生湖中曰漳腹洲江南通志云蘆課歲增亦不妨魚課今按縣志蘆課歲增魚課大妨以洲地漸廣也

鱗湖在縣西四十五里

武昌湖在縣東北三十里廣十里袤三十里

青草湖在武昌湖東

白土湖在青草湖東

泊湖在縣西四十里廣袤各五十里其水受望江香山以南宿

松月山以東諸山谷水東南流合宿松龍南湖泊澇湖仰瀧西

金口諸水匯而成湖達於吉水鎮河入於江冬涸可涉水漲則

田地患澇

西圩在縣東北

縣志作西北

六十里一統志云隄岸三千九百七十

餘丈圩中田三萬七千餘畝相傳孫吳時屯皖得穀數萬斛卽此圩也道光五年知縣尹作翰築

方公隄在縣南門外長三里明天啟中方懋德築以上望江

舊按皖地六邑瀕江潛皖諸水流通四境多水利昔朱光爲廬江太守屯皖大開稻田諸葛恪乞率眾佃皆以皖地肥美也勤修圩岸毋使江湖爲害是爲要圖然圩田之築利害相因不可不審懷邑自乾隆閒築鄭家圩下流恆壅白洋湖內田七千餘畝不時被災蓋獨秀山以西之水無所出也嘉慶四年又於湖口建朝天牖水口益塞每遇山水洪漲卽成積潦農民苦之道光初知縣朱士達議就圩外疏河洩水以調任不果惟有意利民者圖之

徽州府

歙縣豐樂水在縣西三里源出黃山溢於昌場呂場二場各灌田二百頃

大小母場溉田百餘頃

綿溪水在縣東南五十里下流入新安江有灌溉之利

布射水灌田六十頃

張公隄在府城外北西南三面濱水民居櫛比明萬曆丁未夏雨驟漲漂沒無算知縣張濤始伐石爲隄故名

覺公隄在巖鎮豐水上溪北水潦泛漲冢墓多至漂浮順治初遊僧覺公募錢數千緡磬石成隄故名

永豐新場在七都明洪武閒開溉田三千餘畝

豐場在七都明洪武閒開以上歙縣

按歙縣志朱塘二千百有七所場二百六十二所明塘七十

二所場三十五所此特舉其大者紀之

休甯縣白鶴溪在縣西二里源出黟縣橫江吉陽之水東流入縣境至鳳山下有夾溪水東南合流曰雙溪口夾溪一曰夾源其水灌田十餘頃

五城水在縣南四十五里與顏公山水合匯於龍灣溪口溉田四十餘頃

原阨水出縣西灌田三十餘頃

南當水出縣西南當山灌田三十餘頃東流匯於浙溪

金場在一都溉田千畝

東場在二都灌田三千七百畝

觀音堂場在三都灌田三百六十二畝

陳公場在十四都灌田一千九百餘畝吉陽水所注

東溪石場在十四都溉田三百餘畝

大王千場在十九都溉田三百八十畝

孫村場在十九都溉田三百畝

臨溪場在十九都溉田八百八十畝

大方場在十九都灌田一千零五畝

東千場在二十都溉田一千餘畝

程齊二場在二十一都溉田一千畝

青苗場在二十三都溉田二千畝

前坑場在二十三都灌田二千二百三十畝

四柱場在二十四都灌田七百畝

桑木場在二十九都溉田一千八百畝

清漪場在二十九都溉田三千畝



平山塘在縣東北溉田三千畝

林家塘在一都溉田二百畝

楊塘在一都溉田二百五十七畝

山川壇下塘在二都溉田二百畝

方塘在十都溉田五百畝

獨筍塘在十都溉田五百畝

珠塘在十六都溉田三百三十二畝

陳言塘在十六都溉田四百餘畝

福阮塘在十九都溉田三百畝

巴灘塘在二十二都溉田四百五十畝

魯公隄在楊村魯公倡築護田八十畝

富國隄在五都竭川溉田千頃

永年壩在霞瀛東北溉田數百畝以上休甯

婺源縣益陽水在縣北出浙源山溉田三十餘頃武溪水亦出

浙源山東南流經龍尾山溉田十三頃有奇

大鱸水在縣東出鱸山溉田十八頃

小斂水出小斂山溉田十八頃

梅源水在縣西出梅源山溉田八十頃有奇

杭溪水在縣西北七里石龍山溉田三十八頃

義塘在一都

朱緋塘在三都卽朱子觀書有感處

漫塘在三十都諺名海眼大旱不竭

旱塘在三十都蓄水灌田

龍巖塘在濬源山下數里許水自平地漏出其上立撫仙廟

塘陂楊林陂在二都

大橋陂在二都

莊前大陂在三都

楊樹陂慈坑口陂在五都

石龍陂在十都

晏公陂在程村

保公陂在三十六都

尚書陂在四十七都明季張之益重造灌西岸畝田二頃餘畝

程師場在二都

平渡場在汪口官渡下流汪口兩溪合流迴洑每遇洪水漲發

舟多覆溺居民築場以平水勢

潤澤場在十都雙溪口至汪口十里險阻不通舟楫明嘉靖閒

江模江懋告牒開通商旅稱便

石龍場在十都龍尾江澤江浦建水道由西岸村心至龍尾段

灌田千畝

匯源場在鳳山水口高數丈灌田數百畝

義濟陂在三十都中山一名里嘉場元祝壽朋鑿山引菊澗之

水環繞村落迤邐瀦之溉田數百畝名菊源渠又築陂防水以

通渠故名義濟

官場在二十都思溪泗洲塔灌田四百餘畝以上婺源

祁門縣赤溪水在縣東溉田四十二頃

小北港在縣西溉田五十頃

大北港在縣西溉田十七頃

盧溪水在縣東南溉田八十餘頃

聚源壩在鳳皇山麓明萬曆初知縣廖希元倡築祝以庭繼建

余士奇成之

石陂場在一都

古田場在二都

牌前場在三四都

饒家場在五都

方村場在六都

青塘場在七都

金塘場在十八都以上祁門

黟縣吉陽水在縣東北溉田四十四頃

雙溪石隄章水與益孟山西水會處明嘉靖時知縣周舜岳建

隄以捍水梁時橫岡胡氏開注引水入今城之西北隅出迎雷

門西達於黃姑墅收浸灌稻田之利曰槐溝亦曰淮渠

和尚塍章水所經城西余種德築其故渠北行東經長生橋會

於古溪塍成涸出而田升科以上黟縣

績溪縣羅公泉在縣南二十五里水自地涌出塍上數尺源甚

深長大旱不竭溉田數百頃

泉塘在縣西二十里塘中有泉蓄溢深廣引以灌田

龍井在縣西五十里泉從石中出溉田百餘頃

場隆場即大甯渠在城北乳溪橋下明萬曆間知縣胡民仰捐

俸開渠

九龍場在東門外灌石壩內田畝

腳山場在縣東梓樟山下

東林場在縣南腳山底小溪口下

重刊安縣志卷之十五  
西林場在縣南腳山底下

後里場在城西翠眉山下

金竹場在城西汪家坪

石壁場在城西來蘇橋

石碣在七都以兩石相接不假修築大旱不竭

上圳場在八都上川村前灌田二百餘畝

巖腳場一名黃場在十三都遙遙巖口灌竹山干田三千餘畝

自明嘉靖間立議分作六六輪灌遵行至今遇旱不災

東門石壩在東門外爲楊溪乳溪之隄舊爲溪水衝突明邑人

御史胡松請帑築壩延袤一百八十三丈高一丈六尺

國朝乾隆十二年知縣蕭昌請帑修築十五年知縣較陳錫重修

登源石壩乾隆十二年蛟水衝沒知縣蕭昌詳請修築自十都

至十三都計長四十里知府何達善知縣較陳錫督修

大古塘在九都良安鄉廣四十餘畝知縣王柎所開

葉毛塘在十都高塘村後隴中灌田四百餘畝以上續溪

按徽州多山其水惟新安江與祁河爲大新安江東匯歙浦

以入浙祁河西達浮梁以趨饒米粟百貨於是乎通而田畝

無多亦資灌溉然地高灘險水無滄涵十日不雨溪流立涸

近因棚民居山墾種雨漲土潰壅入溪壑河身漸高後恐商

賈不通所係匪細守斯土者宜申禁焉

甯國府

宣城縣清弋江在縣西六十里西南境之水咸匯入焉江西岸

爲南陵境有渡昔人多引流爲陂堰以資灌溉

玉粒塘在縣東溉田數百畝

德政陂在縣東十里溉田二百餘頃

薛公堰在縣北百有十里

養賢圩在河西道塗溝涵有古井田遺制圩中新築富民埠

金寶圩在河西田十三萬畝制度與養賢圩同

四合圩在河西原係上安定下安定太平尖刀四圩康熙四年

知縣李文敏並四為一改今名

李公圩在縣東康熙八年下橋寶珍沈璋西陵歲豐五圩居民

爭水知縣李文敏並為一圩民德之因名

羅公圩在縣西清弋江明嘉靖閒知府羅汝芳請帑倡築故名

笄岳壩在縣東一名銅院壩宋徐光遠修明胡仁濬

姜公塘在城東北明萬曆閒知縣姜奇方以諸生方袞請濬之

故名以上宣城

按府志宣城圩百有二十六所壩八十九所塘百有十所或興或廢難以稽訪茲特載其源委可考者

涇縣泉水蕩附郭其竅以數千計溉田十有餘頃

承流壩一名新豐壩溉田二千畝

里社陂在曹溪都灌田三百畝

白額陂在溪上都琴溪灌田七百畝

馬家渡陂在老鶴嘴灌田三百畝

鳳皇橋堰蕩在宣陽都黃田村灌田二頃五畝

官壩一名汪倫壩在宣陽都灌田千四百畝

迎春塘流潭陂流壁壩洪家塘姚家塘社戶塘俱在宣陽都共

灌田數千畝

撞頭陂在曹溪都灌田一項二十三畝

重刊多餘通志卷之十五  
余村陂在太平都灌田一項餘

南香陂在太平都灌田一項二十二畝

後門陂在太平都灌田一項五畝

高陂在溪頭都灌田四百畝

曹公隄在琴溪明知縣曹谷築以防潦

豐陂在新豐都灌田五百畝

新開陂在豐東都灌田五百畝

五里陂在豐東都灌田五百畝

丁村新豐壩在長樂都丁家壩灌田千畝

八義壩在長樂都灌田四百餘畝

謝母陂在張香都謝母坦灌田三百畝

五里壩牛司井堰雙井塘俱在長樂都共灌田五千餘畝

雷塘陂在花林都灌田三百畝

高村壩湖陂壩雙溪石隄在北亭都朱姓建

漣溪石隄在茂林都乾隆壬辰山水衝廢吳姓重建

新興羅陂在禮辭都灌田五百畝

石潭陂在大成都灌田三百畝

舒村陂在大成都灌田三百畝

西陂在大成都灌田三百畝

石橋陂在溪丁都石橋頭灌田四百畝

楊千陂在十二都灌田三百畝

石頭院陂在十二都灌田三百畝

胡村陂在岸前都灌田四百畝

北山陂在岸前都灌田五百畝

汪村陂在岸前都灌田三百畝

許家陂在岸前都灌田四百畝

高塘陂在岸前都灌田四百畝

松山蕩在青東都灌田三百畝

王家渡蕩在青東都灌田三百畝以上涇縣

按府志載涇縣陂壩二百六十八所塘蕩四十所此特舉其大者

南陵縣永豐陂在縣東南六十里引清弋江水以溉田

大農陂唐時范君朝置石堰開荒埭數萬畝

東溪石堰即今壩上河流易涸眾建蓄水

雙龍井泉源出濟頭山深無底灌田數十畝

方家冲小溪由童家橋入新港又娘塘冲泉俱溉田數百畝

萬年堰即都堂壩土築明萬曆間知縣沈堯中改石堰易今名

洋湖壑在縣東二十里有東西二口東口洋湖西口有水牯康

熙九年知縣屈升瀛設漲則流涸則蓄上下均利永禁私築壩

埠阻塞以上南陵

按府志載南陵圩埠五十八所陂壩堰九十三所湖塘百有

七十一所

甯國縣何村陂林千陂山口陂墩陂在縣東

大陂岱圩陂舒亮陂湛石陂在縣南

梅陂永豐陂湖陂胡理陂陂頭陂在縣西

羅田陂在縣北

金山壩前浩壩在縣東

包婁壩新建壩石聖壩星壩楓樹壩岱圩上壩在縣南

廣通壩賢山壩在縣西

白石壩麻屯壩胡村壩石潭壩在縣北

張村塘荷花塘胡山塘趙家塘在縣東

千一塘馬公塘在縣南

容村塘紫賢塘在縣西

梅樹隴塘泉水阮在縣北甯國

旌德縣徽水在縣北源出績溪徽嶺之北西北流有清潭水出

縣南境清潭山溉田十餘頃流數里入徽水

江清陂胡口陂松木陂楓木陂在一都

黃連陂上桂陂何村陂桂枝橋陂上巖陂下巖陂在二都

泉村陂高橋陂在三都

楊柳口陂在四都

和尚陂黃厓陂壇石陂長橋陂斜竹陂倪家陂在五都

古樓陂饒家陂五里陂汪王陂在六都

泉水陂青山陂在七都

沙口陂柳溪陂在八都

程村大石陂歇口橋陂在九都

昌亭陂蔣村陂在十都

梅陳陂在十一都

蘆陂上寶陂苦李陂在十二都

王陂賀陂在十三都

盛潭陂大西陂巖村陂虎村陂在十四都

蔡家陂上洗陂在十五都

攔石陂石養陂石洞山陂在十六都



黃柏陂橫山陂劉村陂在十七都

楊公陂榔村陂石陂孫村陂良灘陂汪良陂躋農陂在十八都

汪村陂驪陂在十九都

饒保局陂黃土碣陂胡麻碣陂在二十都

胡長塘下洋陂在二十一都

中洋陂八井塘在二十二都以上旌德

太平縣寒陂黃陂蘆溪陂查家陂在縣東

黃潭陂洪陂梅陂楓樹陂三里丁家陂姚川陂譚家陂葉家陂

陳家陂石橋陂石磨陂在縣南

楊桃陂梅公陂紗籠陂章家陂水碓陂湯家陂鸚鵡陂在縣西

柞村陂狼田陂平陂丹陂謝家陂眾家陂俱在縣北以上太平

按甯國巨浸惟清弋江匯太平旌德涇縣諸水而宣城南陵

承其委故宣城有圩田之利金寶養賢二圩疆畝甚多制度亦善人稱有古井田遺法若南陵永豐大農二陂亦水利之大者而諸邑山多田少富饒過之以居民多事懋遷非關水利然通商集貨浮筏乘舟亦藉水之力焉

池州府

貴池縣查村堰在縣西南百五十餘里受諸山溪之水引流溉

田百餘頃

黃荆堰在縣西南八十里受諸澗水以溉田

羅坦陂在縣南開元鄉灌田四百餘畝

古遊陂在義三保灌田四百餘畝

高田堰在縣西南受黃山三十六源水溉田三百畝

桃湖陂在玉鏡潭之上一名桃花陂

芒鞵堰在梅村相傳仙人經過擲芒鞵而成堰灌田千餘畝

唐田堰在義三上保灌田六百餘畝

官堰在義三上保灌田千餘畝

港北堰在義三上保灌田二百畝

新村堰在縣西百九十里灌田二百畝

深潭堰在縣西百八十里灌田三百畝

唐村堰在縣西百六十里灌田三百畝

黃屯堰在縣東南六十里灌田數千畝

徐川堰在縣西二百里灌田三百餘畝

陳田堰在仁三保受西下洞泉而東南諸水匯焉雖旱不涸惟

霖雨有潦患

夏塘在義三上保塘深無底灌田數百畝以上貴池

青陽縣聖泉在縣西南四十里魁山下冬夏不竭民田賴以灌

溉

六泉在五溪山之南由石罅中湧出愈旱則愈溢民田賴之

石堰在茅田上水泉灌溉居民賴之

華湖堰在縣南通臨城河水灌西郭田民被其利

申明堰在九華山西向有申明亭故名

黃石溪堰在縣南六十里其溪出九華山瀉南陽澗堰隨水高

低灌田甚廣

尚堰在縣東北四十五里匯龍井泉及下連村諸水順治三年

里人王拱鑿渠築石為堰灌田數百畝

星斗堰在縣東四十里灌田七百餘畝

新堰在縣南三里灌官田三百餘畝

劉家堰在縣南二十五里灌漑江村田三百餘畝  
迎龍壩在鮑家村

吳村塘在縣東南五里

黎家塘在縣南二里

新塘在縣東北四十里灌田數百畝

以上青陽

銅陵縣天井湖在縣東湖心有井不竭遠近諸川多匯於此

靈寶泉在縣東葉山漑田百頃水旱如一

老龍墩壩在縣南門外一里墩東馬寨磯江家澗之水由縣河入江於墩下西折處築壩以緩水勢

鳳心牯在東西二湖之間卽湖築隄四十餘里引水至荻港入江而中作牯以時洩蓄圩田賴之

百家墩壩在縣北十五里壩內通江村等圩之水外接大江

丁家洲壩在丁家洲河口都埠經其外水高於圩數尺不能潰入仁豐諸圩賴之明崇禎閒居民決埠建牯江水灌入幾不能堵後立禁不得擅開

都埠在縣北十五里自百家墩至胭脂夾計八十餘里明萬曆閒知縣徐一科勸築以保障仁豐諸圩故又名徐公隄

以上銅陵

石埭縣蕭侯陂在縣北有二溝瀦水漑田甚溥舊名故院陂年久壅塞明成化中知縣蕭環重築民賴其利故名

龍巖泉在縣西四十里又曰西溪大旱不竭賴以灌漑

古芒陂烏林陂獅子陂在一都

僧眾陂在崇明寺前

千工陂巫園坦陂在二都

蘇家陂李家陂楊家坦陂黎家陂在四都

沈家陂深田陂柳樹陂前山陂在下五都

余溪陂巖陂茅田陂楊村陂在上五都

迎春陂雍溪陂社河陂在六七都

大阮陂城子陂梅樹陂湘陂清陂凌家陂瑯田陂吳家陂沙田

陂石埭陂在八九都

埭下陂磨塘陂施村陂杜家陂南岸陂在十一都

小車陂北岸陂楊村陂香口陂黃家陂在十二都

七里陂在十三都

青山潭堰舊在舒溪口下嘉慶二十五年移築溪口上石埭以上

按縣境各都近水之處皆有笕車不藉人力順水旋轉車上

設笕吸水引入溝湏其制甚巧又高埠水不能至則於山谷

急流處築隄止水用長大竹笕豎於水中令水激而入窾漏

東而上噴高田亦得灌溉

建德縣大陂在一都由石門嶺發源匯和郵錦溪之水溉田三

百畝

小陂在一都由大陂匯關前之水溉田五百畝

魯公陂在一都越畱山陂八里匯關前合臨白果沖葛源之水

溉田八百畝

潭石陂在一都

查林陂在一都

畱山陂在一都畱山寺前匯小陂以下之水溉田八百餘畝

客橋陂在九都陂

豐樂陂在十一都

檀陂在十二都

青山陂在十四都

西山陂在二十九都

黃家陂在二十九都

茶阮陂在三十四都

方村陂在三十七都

永豐陂在三十八都

大塘在二十七都自涑水達河環繞十餘里

七里塘在二十七都周一十六丈深六尺

魚陂塘障大塘水上下灌田二千餘畝

水車堰在蘇村保內壅水推車不用人力溉田無患長三丈寬

六尺五寸

以上建德

東流縣蒲塘在縣東北五十里源出石人山灌田二百餘畝

柳隄在縣西南門外明知縣蕭珮築互二百六十丈西北達江

口拱北山下立牖以蓄湖水

國朝乾隆十年知縣萬紹熙復修

張公隄在縣治東門外知縣張叔珽築

馬家隄在縣南四十里

以上東流

按池州山多田少境內所產無居民半歲之糧日仰給楚豫  
皖桐以為食明劉徵君城所謂稻粱百物待命客舟商賈裹  
足池乃坐困也山田高而溪水下或磬石中流或以瀦蓄水  
民頗習於稼穡不勤而勤三邑枕江銅東稍有圩隄之利而  
貴池瀕江田畝圩岸缺如十年九溢若陂而障之庶幾石田  
悉化為沃壤歟

太平府

當塗縣丹陽湖在縣東南七十里江甯廣德徽甯境內之水匯為二湖而丹陽最大東西七十五里南北九十里為太平水利之宗

姑孰溪在縣南二里自丹陽引流而北合支流諸水匯為姑孰溪又西過鼉浦經城南謂之南州津溉田數百頃

新壩在縣東南廣安坊宋紹定中開渠引姑孰水入城濠後塞明萬曆間重開引水經襄城橋出梅莊牖至今利之

石臼湖在南湖白鹿兩鄉之間  
路西湖一名路斯因張路斯得名在延福姑孰二鄉

萬春湖在延福姑孰二鄉本係圩田明正統閒巡撫周忱築東壩破以潄水田賦派入蘇常萬曆初令民納租取草  
大溪港在貴遊白鹿二鄉

小溪港在白鹿鄉

新開港在貴遊鄉

武山港在永保鄉

杜公港在采石鎮

竺山圩在姑孰鄉

分界溝與高瀆分界處

十字圩丹陽湖水所注

黃連溝長牽溝陳家壩湯家壩在黃池鄉

西湖溝湖水溝史家壩竹秋壩周丁壩在化洽鄉

中車溝東司溝在慈湖鄉

高塘壩吳貴上壩吳貴下壩湖港壩神臺壩王家壩沈家壩在歸善鄉

黃龍澗黃岱溝在令望鄉

曹家壩宋家壩田家壩雙潭溝沙溝中溝橫溝官溝在多福鄉  
大官圩在福定圩下感義圩上官圩屢破皆由福定感義兩圩  
先圯故設立中心埠以別之共三十餘里

以上當塗

按福定圩當宣歙衝流視感義尤險乾隆三十四年道光三  
年皆福定先漫中心埠決漂溺田廬人畜無數府縣諭令官  
圩內二十九圩居民按畝輸費修復

蕪湖縣蕪湖水源出丹陽湖水勢趨江居民田於湖心方圩以  
遏之遂醜為二股北屬當塗南屬蕪湖

魯明江五堰孫儒與楊行密戰行密將臺濛作五堰於此以給  
軍食

天城湖一名天聖湖在縣東南十五里廣一百八十頃

歐陽湖在大小荆山中

白岸湖在縣東南七十里青峰場租出此

以上蕪湖

繁昌縣泉水塘在縣北一里周三里溉田百頃

新開溝在舊縣鎮南十里

清流潭在十一二都

新溝潭在二十九都

滾壩在東門外濠中

上壩在南門外

中壩在城東南

下壩在汪二渡下三壩大有益於邑人惜今久廢其址猶存

馬家壩在縣北十五里

蘇伍塘在十八都首受繁昌南陵兩縣諸山之水長闊無際水

漲時一望如湖

噴雲泉在隱靜山挂月峰相傳泉與海通

龍華山洞泉在龍華寺旁嘗有蘆浮出疑與江通一村之田藉以灌溉以上繁昌

按太平襟帶江流又合江甯廣德宣歙諸水匯為三湖浸灌稻田地稱沃野然江湖時溢受害亦先謹修圩岸培薄增卑農隙勸民歲行勿怠庶足以保美利而捍大患議者謂郡之水患由於東壩之築然自明正統間撫軍周忱築壩以來非遇盛漲之年尚可宴然無患若開此壩三吳皆澤國矣利不十不變法害不十不易制守土者其尚審諸

白阜臨五湖東南十里青孰賦賦出北燕

湖則湖亦大小湖山中



